


# MASONGOLA NE KWIKANA

 Twayai tukunyike mitwe yetu pa kakimye kacheche tulombe. Taata Wakila Palusa, twimusachila Anweba lukeelo luno na mambo a kwikala muno mu kishimikwa, byo twamona jino juba. Bino kechi twayuka biji mujino juba ne, bino twayuka Walama jino juba. Nanchi twalomba mba Aye Walama ja leelo ne keesha, kabiji ne Peenape yense, usa kwitupesha leelo byo twapwila pamo mu Jizhina Janji, pakuuba mwa tuyuke byo twakonsha kumwingijila Aye. Aaye yo milanguluko yetu, Taata. Lesa, Wayuka michima yetu, wayuka mba akye kya kine. Twipana atweba bene kwi Anweba, na—nalutwe lwa jino juba, na mambo a mwingilo Wenu, mwi Yesu Kilishitu mu Jizhina. Amena.

2 Ikalaiko. (Ne musachila. Uno mukwabo kuno.)

3 Mwabuka byepi lukeelo luno, jibumba jibena kumweka kabiji ne jibumba jibena kubula kumweka mwaya kyaalo abo botwakwatakana nabo lukeelo luno. Akye kyapana jishuko jikatampe bingi pa kwiya kuno ne kwamba lukeelo luno payuwe mutwe wanema. Kujibumba jibena kumweka, ke kintu kyalubakanako pacheche, mambo a kuuba mba kulutwe kwami kuji bipembe, nanchi Nafwainwa kwamba ku kilujo ne kukipiko. Kabiji ku jibumba jibena kubula kumweka, Amiwa njina kishimikwa ku kilujo kyami, kabiji ne mwabisela ku kipiko kyami; kabiji Amiwa nji panshi, na bipembe byashikuka pakachi, kwabanya kuboko kwa kipiko ne kuboko kwa kilujo. Kabiji monse mwayula, lukeelo luno, kupita mu kishimikwa, kabiji ne mwakukaila bisela, kabiji ne kipwilo, kipwilo kiji mu Mukwakwa wa Bueiti ne Penn. Kabiji ne bifulo byonse byayula, mutanchi wa matelefoni ubena kukwatakanya ku bifulo bikwabo.

4 Tuji na kimye kyawama kyawama bingi mwi Nkambo, kabiji tuji na kupembelela kukatampe mu kuno kupwila lukeelo luno. Kabiji pano bufuku buno byo kiji kimye kyapelako pa kiky kipekenyi kya mooba foolo, kika, twibeta bonse, bakonsha, kwikala kuno. Twaketekela mba Nkambo usa kwitupa kimye kyabaya bingi bufuku buno ne kuubapo kintu kimo kyakila pa kipimo, kyakuuba mba Aye wakonsha kubuka bonse bakolwa kabiji ne kuuba bintu bikatampe byo Oba kimye kyonse. Kabiji tuji mukimye kikatampe kya kutengelela mabaanga. Jibumba jaitwa, muntu yense, kipwilo kyonse kya dinominesheni yense. Anweba kechi mwafwainwa kwikala Mwinakilishitu ne; atweba kine tubena kwita bandengamambo kwiya, na kwikala mukachi ketu. Kabiji tuuba monse mo twayukila kwi bafunjisha mu jishinda ja Nkambo, pakuuba mba twikale na bumi.

<sup>5</sup> Pano Naketekela mba jibumba kechi jikale jakaswa ne. Kabiji Amiwa naketekela mwi Lesa amba kechi nsakwikala wa lubazhibazhi ne, mambo Nanjinga na bufuku bwawama bingi, ne kukoka kwabaya bingi. Mambo Amiwa nalanguluka mba bintu byo nsakwamba lukeelo luno bikaletwa kwi amiwa pa Juba ja Kije, kabiji Ami—Amiwa kechi naji kulala ne, kabiji Nayuka mba inge Nabula kwibyamba kazhatwa pa Juba ja Kije. Nanchi ke kintu kyakonsa bingi, kechi wakonsha kwikilondolola ne.

<sup>6</sup> Kabiji pano lukeelo luno ke yewa mutwe mukatampe ye tuji nanji wa *Masongola Ne Kwikana*. Kabiji ene mambo o Naubila kikale sukuulu wa Pamulungu, pakuuba mba twaambapo mu kimye kyetu, mukifulo kya kusapwila byambo pa kikye. Ke lufunjisho lwa kufuma mu Kinembelo.

<sup>7</sup> Kabiji Na—Nasaka kwamba mba, inge wamwingilo nangwa bamingilo, kifulo kiji kyonse, inge yuwe tepu waponena mu baboko abo, inge twalupula yuwe tepu. . . Amiwa kechi nayuka kipwilo byo kikooba pa kikye ne. Amiwa mbena kwipuzha Mulongo Fred akamone kabungwe ka kipwilo awe tepu kasa akyangye kulupulwa. Kabiji kwi anweba bantu baji mwaya kyaalo, baji na matepu lekonda abikwa, ne musashijila kechi mwakonsha kulupula tepu ne kanatu mwaumvwa kufuma kwi Mulongo Sothmann pa kikye.

<sup>8</sup> Pano, kabiji inge walupulwa, kabiji balongo bonse bamwingilo, nangwa Mwinakilishitu uji konse, awo wakonsha kupachika pa bibye bintu byo Mbena kwambapo pa yuwe mutwe, Na—Naketekela mba anweba kechi mu Kajimbulula ne. Inge anweba kechi mwi Kikwatakanya ne monka mo Mbena Kwikifunjisha, kyawama, anweba muji nasambu yakyokyo, nobe wa mwingilo, nobe kafunga. Kabiji Amiwa nanemeka kiji kyonse kyo mwaketekela.

<sup>9</sup> Kabiji kuji masukuulu abiji akatampe pa kikye. Kabiji umvwe kuji mepuzho abiji, pafwainwa kwikalapo jimo jiji bulongo, inge ne kafwapo nangwa jimo jiji bulongo ne. Nanchi tusa kweseka kutala ku Kyambo kya Lesa, lukeelo luno, pakuuba mba tupwishe kikye. Kwi amiwa, inge jipuzho ja mu Baibolo, kine Baibolo uji na mukumbu.

<sup>10</sup> Kabiji pano kasa tukyanyye kwikala na bibye ne, kutatula yuwe mutwe, byonkabyo, Amiwa kasa kyangye kulombelela pa Kyambo ne, Amiwa nakeba kwamba kwi anweba bonse, amba Ami. . . kukijishamo anweba Benakilishitu, namba Nakeba. . . Na—Nakeba namba anweba mundombeleleko lukeelo luno. Kabiji bonse baji mu jibumba jibena kubula kumweka abo babena kuteleka lukeelo luno, ndombelelaiko, mambo Nakeba kwikala wakishika ne wabukine.

<sup>11</sup> Pano twavuluka, pa kwamba yonse ye ng'ambilo, umo muntu, inge muntu umo, ukakwachijila ku Kikye nobe Kiji

pakachi ka bumi ne lufu. Muji bavula ba mwianweba musa kuya kasa mwaketekela. Mambo, anweba bavula, kapepo, kechi mwakonsha ne. Bino Nayuka mba, mu mwingilo wami, kuji bantu beya na kutelekako kwi amiwa, ne kuteleka ku byo Nafwainwa kwamba; kufuma, kyawama, baikala muno lukeelo luno, ba mubyaalo byonse, kufuma ku United States, Canada, ne kubushiya bwa tulunga. Kabiji mwakonsha kulanguluka kijikila kibikwa pe obewa, pa kuyumba mba bwikalo bwa Peenape buji mu maboko obe, mambo aye ukakwachijila ku byo waamba. Nanchi Lesa ukazhanchisha pa kikye, kabiji Nakeba kuya nakyo na bukishika bo Nakonsha.

<sup>12</sup> Pano Na—Naipuzha banyenga yetu. Kabiji Napipula bimo byambo byami pakuuba mba ne Byambe kwi abo. Billy mu pokochi wanji muji, lukeelo luno, kokwa, bintu bimo byakonsheka kubulwa kwambiwa mu—mu jibumba jamvwangakana. Kabiji bimo byo Nsakukonsha kwamba, byo mwafwainwa kumvwa. Mwibisende nobe byafuma—byafuma ku mulongo wenu, mwaila buwame bo Nayuka. Obewa wakonsha kwikala mu ofweshi wa badokotala na kuteleka kwi aye, wakonsha kukwambila byambo patokatu. Kabiji ne anweba bamo bainetu banyike ne banabalume banyike, kechi Nakeba mba anweba mwikisendele mo kyatamina ne. Nakeba mba anweba muketekele, ne kwikalatu zoo. Vulukai, Bukine bwafwainwa kwambiwa mu Bukine.

<sup>13</sup> Kabiji, pano, kwakubula luzhinauko bavula mwi anweba kechi musakuswa bisakwambiwa ne, bino Nasaka kwi kishiniikisha kwi anweba kupichila mu Baibolo. Kabiji pano Naketekela, inge mwakonsha kwikalatu namunema ne kuteleka, popo musakwikala na kukwatakanya ne buyuke bwa kyo Nabaambengapo, kimye kyonse. Naketekela mba akye kisakulondolola, kabiji Naketekela mba kisakubiwa.

<sup>14</sup> Pano twakonsha kubanda pacheche, awala umo na afu, nangwa kukilapo, pakikye. Amiwa kechi nayuka bimye bisakutaikapo ne.

<sup>15</sup> Kabiji pano ne jikwabo, Nakeba kwamba mba, mu kino kimye, amba, byo nayuka mba bantu balama byambo byobe; byo booba, kwi kafunga wabo. Kabiji, nangwa byonkabyo, Najinga kafunga.

<sup>16</sup> Kabiji balama byambo bya kafunga, byonka byo kikala pakachi ka lufu ne bumi. Bakwachijila ku byambo bya pulisiti wabo, kiji nobe lufu ne bumi. Kabiji nangwa byonkabyo, kafunga, kape na byonse byo ayuka kuuba, aye ufunjisha bantu banji nobe byonka byo bamufunjishe ku sukuulu; kwakubula ne luzhinauko na pulisiti, ne aye, monka mwapusena bupopweshi buji na bapulisiti. Mambo, kafunga kine pulisiti; ye ng'ambi. Nanchi inge pulisiti, mu byonse bifunjishiwa kwanji, ku sukuulu

ne bipamo bikwabo byamafunjisho, muntu na bukishika bwabaya ubena kubulang'ana byonka byo bamufunjisha.

<sup>17</sup> Kyawama, pano, Amiwa kechi napitamo mu bya masukuulu nangwa bipamo bya mafunjisho ne, kabiji kechi njipo na kimo kyatama pa bibye ne, bino Amiwa njina bumi bwapusanako bingi.

<sup>18</sup> Naichilwe kimye kyo Najingatu mwanjike nsongwalume. Kabiji mu kikyeye kyajinga kya palutunanwa, kiyukilo kya jiwi kyo nampewe, awa—awa Mumbulungwa wa Mujilo waimene mungye, pa myaka sebeni, konka kuno ku Utica Pike. Bataata baingilanga kwi ba Mr. O. H. Wathen abo bafwiletu katataka. Kabiji mwatanga buuku, mwayuka jishimikila. Kabiji kufuma ku kyokya kimye. . . Kuya ku mukola nanchi Wamwekele patoka ku bantu. Kabiji pano kipikichala Kyakopelwe, bimye byavula, kabiji kyakobama mu Washington, DC, nobe kikope kyapewa nsambu, mu Kibamba kya Bupopweshi kya Byakulenga, nobe kyo kyonka Kintu kya bulesa akyo kyashinikishiwapo kala na byamasayasi kukopewa bu kipikichala; Mumbulungwa wa Mujilo umotu, mu mwekelo ya musango umo muji monse, na yewa walupwile Isalela kufuma mu Ijipita. Naketekela mba Ke Yesu Kilishitu mu musango wabu Mupashi, mu musango wabu Bwaana bwa kwa Lesa.

<sup>19</sup> Mambo Aye waichilwe mba “Mwaana muntu” byo Aishile patanshitu, pano Aye watelwa mba “Mwaana wakwa Lesa,” mu Myaka kiumbi kimo Aye ukekala “Mwaana wakwa Davida.” Aye wayishile Mwaana muntu, ke Ngauzhi, byonka byo kyaambiwe pe Aye; kino kimye Aye ye Mwaana wa Lesa, mu musango wa bulesa; mu Myaka kiumbi kimo ikeya, Aye ukekala Mwaana wakwa Davida, ukekala pajitanda ja Davida. Nobe bonse byo bayuka batanga Baibolo amba awe ye mulaye wa Bulesa na Lesa, kwi Davida, Aye ukemika Mwaana wanji kwikala pajitanda janji.

<sup>20</sup> Kabiji pano mu musango ungi, nyingijilo yapusanako, Amiwa natelwa misango yonse kufuma kwi “Lesu” kufika kwi “diabola.” Kabiji amba, kimye kyonse kikala muyewa musango.

<sup>21</sup> Abyo byo byang'ambijile yuwe akibishopu wa kipwilo kya Katolika bufuku bukwa kokwa, mwayijile misambo, aye waambile mba, “Mulongo Branham, Yoano Mubatishi wiimwesheshe ayemwine mu Binembelo, nobe byonka byaambile ngauzhi Isaya.” Aye waambile mba, “Nyingijilo yobe ya yukanyikwa bulongo mu Kipwilo.” Aye waambile mba, “Bena Luther baji mu Baibolo.” Aye waambile mba, “Benaluther bayukile Luther. Benawesley bayuka Wesley. Pano nga ba Pentekosito?” Waambile mba, “Babena kululumbatu. Abo kechi bayuka kwakuya ne.”

Kabiji Naambile mba, “Mwane, Nasachila kyokyo.”

22 Kabiji kyajinga akya kimye Mupashi po aponejile pa inetu, kechi wakimwenepo kala ne, mukazhi wanji. . . kabiji waambile ne kuyukisha bintu bimo.

23 Pano, kwikala wakishika, ku iye Mbila yo Mbena kwamba lukeelo luno, kechi Nayuka ne. Namubunjile, Naambile mba, “Mwane, Amiwa kuuba naamba kyokyo ne. Akyo ke kintu kikatampe bingi pa kwi kyamba. Kimweka nobe ikyo.”

24 Kintu kimo kyo Nayuka, ke kyakuuba mba kuji kintu kimo kyamweka, kyakine. Abye bintu byonse, biji, byashinikishiwa na masayasi, kabiji byashinikishiwa kuzhokoloka kabiji kuzhokoloka ntanda yonse, kechi kyakonsha kwikala kyakufwanyikizha ne. Ke Bukine. Kyokika? Lekai ng’ambe, na kwisolola, ku meso Enu lukeelo luno, Amiwa kechi nayuka ne. Kabiji Nakonshatu kwenda kana Naumvwa kufuma kwi Aye awo wamba kwi amiwa bimye byapita kabiji wambula bibye bintu.

25 Vulukai, Nkambo yetu Yesu Kilishitu kechi wimwesheshe Aye mwine nobe Mwaana wakwa Lesa ne. Waambile mba, “Anweba mwaambile mba byo Nji; kuyuwe musango kyo Nasemekejilwe,” ne bikwabotu, bino Aye kechi wimwesheshe Aye mwine ne.

26 Kabiji, pano, awa wajinga Mumbulungwa wa Mujilo watangijile baana ba Isalela, wajinga aye Nkambo Yesu Kilishitu mu musango wabu Mupashi, (mwaketekela kyokyo nyi?), Logosi wafumine kwi Lesa.

27 Kabiji byo Ajinga panopantanda, Aye waambile mba, “Nafuma kwi Lesa, kabiji Ngya kwi Lesa.” Atweba bonse twayuka kyokyo.

28 Kabiji panyuma ya lufu Lwanji, kuzhikwa, ne kusanguka: Saulo mwina Tanashishi wajinga palwendo lwa kuya ku Damasakasa, na kumanyika abo—abo Benakilishitu, mambo bafunjishenga bintu byapusanako na bintu byo bafunjishiwa. Kabiji wajinga mushilikale mukatampe; kwi Gamaliela, umo wajinga mufunjishi mukatampe mu oa mooba, mu sukuulu wabo, mu bipamo byabyo bya kufunjisha; kabiji muntu mukatampe, kabiji mukulumpe mu kipwilo. Kabiji kyajinga kokwa akya Kyeya kikatampe, awa Mumbulungwa wa Mujilo jibiji, wamuponeshe panshi, pakushikamana kwa juba. Kabiji Jiwi jaambile mba, “Saulo, Saulo, kika kyo wamanyikila Amiwa?”

29 Pano inge mwamona kimye Paulo, Saulo, byo aimene, waambile mba, “Nkambo, Yenu Bang’anyi?” Pano, awa nsongwalume, byo ajinga mu Yudeya, kechi wakonsheshe kutela kintu kikwabo ne, kana kintu kiji na kiyukilo kya Lesa, inge kechi wikitelele mba “Nkambo.” Nanchi, Kyajinga Mumbulungwa wa Mujilo umotu.

<sup>30</sup> Byonka byaambile Yesu mba, “Amiwa ngya kwi Lesa. Nafumine kwi Lesa, kabiji Nkabwela kwi Lesa.”

<sup>31</sup> Abyo byo Ajinga, kubwela mu musango wa Mumbulungwa wa Mujilo jibiji; Aye waambile mba, “Amiwa Yesu Ye ubena kumanyika; kabiji kintu kyakosa obewa kupata ku miba.”

<sup>32</sup> Kabiji twavuluka mba Petelo Mutumwa, ko kwapelwe bakii ba kushimika Kipwilo, twatana kuuba mba wajiga mu kaleya, kabiji yuwe yeka Mumbulungwa wa Mujilo waishile kupita mu bishimbi, washikula bibelo bya kaleya, ne kulupulamo Petelo, mujishinda ja kukumya, kwakubula ne kususunya malonda. Kwi amiwa, Ke Yesu Kilishitu ujitu pamo keesha, leelo, ne myaka yonse.

<sup>33</sup> Kabiji kimye kyonse kintu kyonse mukekiyukila mwaila musango wakyo. Kintu kyonse kiyukilwa ku musango wakyo, bipangwa byo kilupula. Kabiji Nemwipuzha kutajisha musango wa bipangwa byo Kilupula, akye Kyeya kiji ke Lesa, mambo kimye kyonse kibwela ku Kyambo kya Lesa, kabiji ne kushiniikisha Kyambo kya Lesa, usapwila Kyambo kya Lesa, kabiji Lesa ushinikisha kyokya Kyambo patoka ku meso enu. Kwafwainwa kwikalapo kintu kimo kunyuma Yakyo.

<sup>34</sup> Bantu batela amiwa mba ne ngauzhi. Amiwa kechi netela amiwa mwine mba ne ngauzhi ne, mambo Amiwa kishupa kwamba kyokyo, bino Amiwa njina... Kwamba, Nakonsha kwamba kikye, amba Nkambo umweeshesha jimo bintu, kubuulang’ana bintu byamweka, ne bikamweka, ne bibena kumweka, kabiji kafwako nangwa kimye kimo po kyakakalwa ne, mu bimye bya biumbi jikumi. Bintu byonse byo Aambile mba bikamweka, bya mweka. Atweba bonse twayuka kyokyo. Inge mujipo muntu umo mu jibumba jibena kumweka lukeelo luno, nangwa kuji konse, wakonsha kwamba kimye kimo po kyakakelwe, obewa wakasuluka kwimana ne kwamba kyokyo. Bino inge muntu yense wayuka mba kimye kyonse, pa masauzande a bimye, bifikizhiwatu bulongo, ambai mba, “amena.” [Kipwilo kyaamba mba, “Amena!”—Waku.] Mwamona? Nanchi akye kyakonsha kwikala kintutu kimo kuzhokoloka ntanda yonse.

<sup>35</sup> Kintu kimo kiji pepi nakumweka. Lesa kechi utuma bibye bintu kwakubula ene mambo akwikyubila ne.

<sup>36</sup> Amiwa naji kulangulukanga pano. Najikubika papo, bintu byo nanemba. Kyo Namvwala lukeelo luno, kiji ne mabbatani. . . Kabiji anweba bavula mwaumvwapo yuwe kabaangabanga ka mafilimu, Jane Russll, kabiji bainanji ba Pentekosito; kabiji Danny Henry muvuala wanji, muvuala wanji mutanshi, mwaana wa bayaya ba bainanji. Aye wajinga Baptist. Aye waimene pa mbung’eno, mbung’eno ya Banabalume Basulu mu Los Angeles, California, myaka ibiji yapitapo.

37 Kabiji Amiwa napwishishetu kwamba ikatampe, yabulume, ng'ambilo ya kwinshita, kyakuuba mba ne mukulumpe, umo wa bajenulo ovasiya wa ba Assemblies of God, waikijile kwiya ku pulatifomu kufuma pa kibamba kyapeulu po aikele, kabiji aye waambile mba, "Amiwa kechi naketekela mba Mulongo Branham watazha mukyokya ne."

38 Naambile mba, "Amiwa natazha monkamo, mwane. Kiji ABYO BYOBYAAMBA AYE NKAMBO." Kabiji, pano, kyajinga kya kipwilo kya ino nkulo.

39 Kabiji pa kyokya kimye, awe mwanamulume mwanjike musulu... Mulongo wanji wapita... aye wajinga konka na kukopa mapikichala a televizhonyi alwa lukeelo, mulongo wanji mukwabo ke—ke supavaiza wa mikwakwa wa kafulumende wa California. Kabiji Danny Henry waishile kulutwe panyuma yakupwisha kupwila, ku pulatifomu, nobe *bibye*, paikele banabalume bonse, waendele kwiya na kukumbata. Kabiji waambile bibye byambo, "Mulongo Branham, Naketekela mba akye kechi kisakumvanyika myendeleko ne, bino," waambile mba, "akye kyakonsha kwikala kyapitala kyabu 23 kya Lumwekesho." Akyo, kujitu byapitala tweti-tuu mu Lumwekesho. Aye waambile mba, "Naketekela mba akye kechi kisakumvanyika myendeleko ne." Aye kasa akyangye ne kupwisha kwikyamba... Pano, nsongwalume wajinga waki Baptist, kabiji kechi wa yukilepo ne kimo pa kya bulesa ne. Na maboko anji azhokolokele, watatwile kwamba mu mulaka wabula kuyukanyikwa.

40 Kabiji byo apwishishe kwamba mu mulaka wabula kuyukanyikwa, kwajinga umo—umo wabaya mubiji, mwanamukazhi waikete kulutwe yami, waimene, ne kwamba mba, "Akyo kechi kikebewa kulumbulula kuji konse ne." Aye waambile mba, "Amiwa nafuma ku Shreveport, Louisiana, nangwa, Baton Rouge, Louisiana." waambile mba, "Akyo ke ki French."

41 Victor Le Doux, ao wajinga wa ki French, naye waikete ponkapa, waambile mba, "Kyakine, Amiwa ne waki French, kabiji akyo kyajinga ki French kyalubuluka."

42 Naambile mba, "Pembelaiko pa mineti umo. *Obewa* unembe byo aamba, kabiji *obewa* unembe byo aamba, kasa ukyangye kwamba kiji kyonse ne. Unembe byo usakwamba, kabiji muleke ntumone byo mwanemba." Kabiji umo wanembele, kabiji ne mukwabo wanembele, kyajinga kyakuuba mba byonse byanembelwetu pamo.

43 Kabiji pakyonka kya kimye, byo baletete byanembwa, ubena kumweka-bulongo, mwanjike nsongwalume wa mutwe uji na suki-yavula waendele kufuma kunyuma. Akwa, kechi pajinga puzha yabaya yakuuba mba ekalepo; waimene kunyuma. Aye waishile nakwenda kulutwe, amba, "Pembelaiko mineti

umo, Amiwa nakeba kubikapo kyanembwa, ne amiwa.” Aye waambile mba, “Amiwa ne mutoloki wa ki French ku U.N., United Nations.” Aye waambile mba, “Amiwa nakeba kusha kyanembwa kyami.”

<sup>44</sup> Kabiji, kuno, byonse bisatu byanembwa byajingatu pamo, bya ki French. Kabiji bino byo byatangilwe. Abye byo byanembelwe bitanshi, byanembwa byasendelwe ponkapotu. Akye ke kyanembwa kyakwa Danny, ayemwine, wabikile mupokochi wani. Mambo, kyaile mu ba Christian Business Men, kabiji ne bakwabotu.

*Mambo akuuba mba wasala jishinda jicheche, jishinda jakosa, obewa waenda mu jishinda jo wasalulula obewa mwine, Obewa wasala kufukula kwaitabilwa ne kuwama, kabiji ke JISHINDA JAMI.*

*Mambo a kukwe kusala kukatampe, kibese kikatampe kya Mwiulu kibena kukupembelela obewa. Kufukula kwawamisha ko wasala obewa!*

*Akye, akyo kine, kyo kikapana, ne kulengela kufikizhiwa, lushijilo lwawama mu Butemwe Bwabulesa.*

<sup>45</sup> Pano, awe muntu wafwachikile jizhina janji papo, “Aye ng’ambilo iji peulu yatutulwilwe ne...kwaula kwa Danny Henry pe Mulongo Branham, bwapainwe na bakonyi basatu mu nzubo ya kujilamo mu Los Angeles, California.”

<sup>46</sup> Pano, awe yenka mwanamulume mwananyike wapaine bubwe bungauzhi, kechi wayukile kyo aambilenga ne, wajinga mu Yelusalema pepi nobe ng’ondo umo wapitapo. Aye wajinga najishuko ja kuya na—na kulala mu kilende amo Yesu mo azhikilwe pakufwa. Kabiji nanchi byo alajile momwa, waambile mba Nabwelele pa iye milanguluko kyabaya bingi kabiji watatwile kujila. Waambile mba, “Byo kyaikala kyakosa kwi Mulongo Branham kwimana byobya na ntanda ya mwimena ne bibye bintu, kabiji ne bipwilo byonse!”

<sup>47</sup> Nobe byo—byo kyaambiwe kimye kimo, na jibumba jakwa Billy Graham, ne kwamba mba, “Twakonsha kumona Billy Graham, mambo bipwilo byonse bibena kukwatakana pamo ne aye. Twamona Oral Roberts, ne ba Pentekosito. Pano twakonsha kwikala byepi na kintu kiji kyonse, byo Kiji kyapusanako na bantu mo bebufunjishisha?” Ke Lesa.

<sup>48</sup> Kabiji, Danny, kyo oba mu bwikalo, ulenga mabwe a acheche. Aye wayile konka kobabikile Musalabo, apo po baamba mba Musalabo wajinga pa jibwe. Kafwako nangwa umo wajingako ne, nanchi wa mpumwineko jibwe ne kwijibika ku pokochi kwanji amba jamunema, wabwelele ku muzhi kabiji wandengejile mabbatani kufuma ku joja jibwe. Kabiji, kyakukumya, byo alengele mabbatani, amwekele kupetwa na mashi. Kabiji pa jimo jimo, jatwajijila, jaoloka, jishinda jicheche



japita pa onse abiji. Pano akyo kyafwainwa kwikala . . . Monai, muntu umo kechi wakonsha ku mumona ne, pakuuba kwi amiwa ke kintu kyawama ku bintu byo Naketekela. Naketekela mba bintu byonse biji na kilumbululo.

<sup>49</sup> Kabiji pano, mu kikyeye kimye, kyonse Nkambo kyo aji nakyo . . . Inge kikyeye kechi kyo kintu kyo a Awile ne, kya mu Malakai 4 kabiji ne mu Luka 17, kabiji Binembelo bikwabo byafwainwa kumweka mu jino juba japelako, lekai Ng'ambe kikyeye pa kupezhako, kyaala kintendekesho kya muntu byo akeya. Nanchi Amiwa nasata bingi kwi Lesa Wabulume bonse, inge kyaikala byobya, wandeka amiwa kubapo kintu kimo kicheche, mu musango wakubula kufunda kwami, namwesa kusata kwami kwa butemwe Bwanji, butemwe bwami kwi Aye, kabiji ne butemwe bwetu ku bantu.

<sup>50</sup> Onkao mambo, mu bukishika, Nafwenya ku yuwe mutwe wa *Masongola Ne Kwikana*. Lekai lusa lwa Lesa lwikale pe atweba.

<sup>51</sup> Kabiji pano telekeshai bulongo. Kabiji, banyenga, kechi mwimane mulupuke ne; ikalaitu pa kimye kicheche. Balongo, mube kintutu kimo. Kechi muzhimye mafoni enu koko ne, anweba muji mu kunungakana. Kechi mube kyokyo ne. Ikalaitu zoo pa mamineti acheche, poso twapwisha. Telekai bulongo. Inge mwapachika, nembai Binembelo byo Mbena kwingijisha, kabiji ne Kwibifunda na milombelo kasa mukyangye kufukula byakuba.

Lesa, etukwashe byo tubena kukeba kufwenya pa yuwe mutwe.

<sup>52</sup> Bino, wakonsha kulepako pacheche. Amiwa kechi nakeba anweba kwikala mu lubilo ne. Kabiji sendaitu kimye kyenu, atweba bonse, na kufunda Kyambo kya Lesa, kyakine ne kupitamo bulongo, monka motwayukila Kwikifunda.

<sup>53</sup> Twayai tutatule na Mateyo Wazhila, kyapitala kyabu 19. Kabiji kutatwila, Nalanguluka mba, na veeleshi wabu 8 wa kyapitala kyabu 19, Nasaka kutatula. Nakonsha kutatwilatu ku wabu 1, kabiji kutanga kufika ne pa veeleshi wabu 8 wa kyapitala kyabu 19.

<sup>54</sup> Pano, vulukai, abye bintu byo mbena kwamba byafwainwa kufuma mu Kyambo kya Lesa. Kechi byafwainwa kwikalatu milanguluko yami ne, mambo milanguluko yami ijitu pamo na ya muntu yense. Pakuuba yafwainwa kwikala ibena kutwajijila na Kyambo kya Lesa. Vulukai, Lesa utwajijila na kulama bintu mundonda. Aye kechi ukingya ne. Aye ujitu pamo keesha, leelo, ne myaka yonse. Mwaketekela kyokyo nyi? Aye ujitu pamo.

<sup>55</sup> Pano Amiwa nsakutanga kufuma mu kyapitala kyabu 19.

*Kabiji ponkapo kyafikizhiwe, kuuba mba Yesu byo apwishishe kwamba bino, wafumine mu Ngalilea, waishile mu kyaalo kya Yudeya bushiye bwa Yodano;*

*Kabiji mabumba akatampe amulondejile; kabiji aye wibabukile . . .*

*Kabiji Bafaliseo baishile ko aji, na kumweseka, . . .*

<sup>56</sup> Naimana papo pakuuba mba anweba mumone ing'anyi wamwesekelenga Aye.

*. . .na kwamba kwi aye, Kizhila mwanamulume kukana mukazhanji pa mambo pa mambo nyi?*

*Kabiji wibakumbwile ne kwamba mba, Kechi anweba mwakitangapo, amba aye wibalengele ku ntendekelo mwanamulume ne mwanamukazhi,*

*Ne kwaamba mba, Kyo kyo akalekela shanji. . . inanji, ukalamachila ku mukazhanji: kabiji aba babiji bakekala ke mubiji umo nyi?*

*Onkao mambo abo kechi ke babiji ne, pakuuba ke mubiji umo. Onkao mambo kyasambakanya Lesa, muntu kechi ekyabanye ne.*

*Abo baambile kwi aye mba, Mambo ka Mosesa kyo akambizhize mba apane kalata ya kwikana, kabiji . . . ne kumuleka?*

*Kabiji Aye waambile kwi abo mba, Mosesa wimulekele kukana bakazhi benu mambo a kukosa kwa michima yenu: bino kufuma ku ntendekelo kechi kyajinga byobyonye.*

Pano, Lesa, etukwashe.

<sup>57</sup> Akye Kinembelo, aje jipuzho, jakumenye Yesu kuntendekelotu ya mwingilo Wanji. Kabiji ja kumenye Mosesa kuntendekelotu ya mwingilo wanji. Ke jipuzho jitanshi mu michima ya baitabila. Ndengamambo kechi utako muchima ne. Pakuuba kiji ku waitabila, mambo waitabila ubena kweseka kuuba byonse byo ayuka pakuuba mba ekale waoloka kumeso akwa Lesa. Onkao mambo, jipuzho jonse jiiya pa bupopweshi, nanchi ne mambo a *Masongola Ne Kwikana* eya. Kika? Mambo kyo kyalengele kwikale bundengamambo butanshi. Apo po patapijile bubi. Kabiji ao oene mambo kyo kiletelwa kimye kyonse, mambo yo ntendekelo ya bubi.

<sup>58</sup> Pano Amiwa kechi njina kimye kya kulondolola byonse bye ne, bino Amiwa nkekala walusekelo kupana mukumbu ku kalata yenu nangwa kintu kyonse kyo Nakonsha. Nangwa, tuji na mabuuku anembwa pa kikye, kabiji ne mepuzho avula, kabiji ne byachibiwa mu mapepala ne bintu bikwabo kuno, pa kushinikisha kikye, twayuka mba kyajinga Eva (Aja jiepo ja tongolwa amba jojo ajile, akyo kyabula ne mu Binembelo, pano baamba mba kyajinga apilikoti; kechi kijipo nangwa pa bibye ne.), aye walengele mambo abukende, ao aletele mwaana mutashi, wajinga Kaina, mwana wakwa Satana, mambo mwi

aye momwajinga bubi. Kechi kyafumijile kwi Abela ne. Satana mwaana wanji wajinga Kaina.

<sup>59</sup> Nayuka jipuzho jenu pano, “Eva waambile mba, ‘Naimita muntu kufuma kwi Nkambo.’” Abyo kine ibyo.

<sup>60</sup> Mwakonsha kutola mwanamukazhi waluwakana mu tauni, mwanamulume wakila kutama; inge baikala na mwaana, wafwainwa kufuma kwi Lesa, mambo Lesa ye wabika mizhilo pamo. Kabiji iye mizhilo, nobe biji juba kusama; mwabika lukunwa watama mu bujimi bwawama, ukakoma. Kabiji wafwainwa kukoma, mambo ke muzhilo wakwa Lesa. Inge lukunwa wabyalwa, ukakoma. Kabiji kafwako nangwa kimo kyakonsha kukomesha bumi ne kanatu Lesa, mambo bwingijila mu mizhilo Yanji. Onkao mambo lukunwa watama byo abyajilwe munda mwakwa—mwakwa Eva, waletele, mambo ke muzhilo wakwa Lesa walusemo. Kabiji kechi kyakonsha kubapo kintu kikwabo ne kanatu kwikileta, kabiji kyafwainwa kufuma kwi Lesa.

<sup>61</sup> Ao oene mambo bantu kyo bambila mba, “Baana babacheche,” kimye kimo, “abo babulwa kusemekwa na basemi Benakilishitu, balubilamo.”

<sup>62</sup> Mashi akwa Yesu Kilishitu amfuta mambo a mwanyike, kabiji kechi Natako muchima byo asemekelwe ne nangwa jikale jishinda ja bubi byepi jo asemekelwemo. Aye ye Mwanamukoko wa Lesa ao ufumyapo bubi bwa panopantanda. Mwaana muheche kechi wakonsha kulapila ne, mambo kechi ujipo na kya kulapila ne, kabiji abwa bwajinga bubi bwa panopantanda kwasendelwe na Mashi akwa Kilishitu. Baana babacheche baya Kwiulu.

<sup>63</sup> Ke bubi butanshi, kabiji ao oene mambo kyo—kyo kipuzhiwa. Inge ngubilo ya kintu kikatampe yafuma kwi Lesa, na mambo a kintu kitanshi: “Pano nga masongola ne kwikana?” Pano, nobe kala, kikijitu jipuzho mukachi ka bantu. Nobo byonka byo kyajinga mu bimye bya kwa Yesu, nobo byo kyajinga mu bimye bya kwa Mosesa, byo kikala kimye kyonse, kabiji byo kiji kufika ne buji leelo, jipuzho mukachi ka bantu, mambo bantu basaka kuyuka Bukine.

<sup>64</sup> Binoponse paji jipuzho, pafwainwa kwikala mukumbu. Kabiji pano byo kuji mukumbu, nobo byo Naamba panyuma, uno mulungu, kwafwainwa kwikala mukumbu waitabilwa. Kabiji inge twatambula mukumbu ku kintu kyonse, kabiji wa—wabula kwikala wawama, nanchi tuyuka mba kechi wajinga bulongo. Bino kuji, mwakonsha kwipuzha poso jipuzho ja bukine ja kumbulwa, inge mukeba kuyuka Bukine. Kabiji byojiji aje ke jipuzho ja Baibolo, ja fwainwa kwikala na mukumbu wa mu Baibolo.

<sup>65</sup> Kijitu pamo nobo byo Naamba, inge Mbena kukeba kuya ku musela lukeelo luno, kabiji na buyuke bo Nayuka kikyeye,

Amiwa nataine kintu kimo mu bujimi, kabiji konka ku musela, kabiji Naile ku musela. Muntu umo waambile mba, “Mulongo Branham, *kuno* ko ku musela.” Ke ku musela, kwesakanyatu, bino ke buyekemusela. Nafwainwa kupitaila kintu kyo Mbena kukeba; Nkonsha kubwela, byo nayuka mba kintu kyatama. Kabiji inge muntu umo waamba mba, “Mulongo Branham, yanga *mujiye* jishinda, ku kilujo kyobe.” Pano, ako ke kwesakanyatu ku musela, ne ako, bino ku bulengemusela. Amiwa nakonsha kutaya kintu kyo Mbena kukeba, mambo Amiwa napitaila mipaka ya jishinda ja lumbuluka ne kuloka.

<sup>66</sup> Pano, inge kyaikala byobyo, tuji na masukuulu abiji a milanguluko pa *Masongola Ne Kwikana*. Kabiji ko kuuba mba, bamo ba mwi abo baamba, mba, “Mwanamulume wakonsha kusongolatu jimo, kanatu mukazhaji wafwa.” Kabiji ajo jo jipuzho jimo, bino, inge mwalondela kyokyo, mwakonsha kupita peulu. Kabiji kyalondelapo kyaamba mba, “Oo, inge mukazhi nangwa mulume, umo mwi abo, walenga bukende, kafwapo nangwa umo mwi abo wakonsha kukana ne kusongola jibiji ne.” Obewa wakonsha kwitana obewa mwine wapita peulu ya kyokyo.

<sup>67</sup> Nanchi, monai, kechi kiji bulengemusela nangwa buyekemusela ne; atweba tubena kukebatu pene pa musela. Obewa wafwainwa kupwisha Binembelo inge waya *jije* jishinda, obewa wafwainwa kupwisha binembelo inge waya *joja* jishinda. Tubena kukeba kuyuka peepi Kinembelo po kyasambakena Kinembelo, ne kuyuka Bukine bwa kikye. Kimo kisenda jishinda japusanako, kabiji kyakakalwa kuleta mukumbu waitabilwa, nangwa byonkabyo kwafwainwa kwikala mukumbu.

<sup>68</sup> Kijitu pamo nobe, leelo, kuji masukuulu abiji akatampe a lufunjisho mu kipwilo; lumo ke lwa Keovinizimu, lukwabo ke Amenya-. . .Amenyanizimu. Lumo ke lubaji lwa muntu, lukwabo ke bupe. Kabiji twatana kuuba mba bantu baketekela mu bupe, bena Keovini, baamba mba, “Atotwe Lesa, kechi kikozha amiwa kupeepa ne. Kechi kikozha ami kutoma ne. Nakonsha kuuba bibye bintu, Amiwa njina bukikizhi Bwapeenape.” Pano twatana lubaji lukwabo, ku lubaji lwa muntu, bamba mba, “Oo, Nakonsha kutemwa ku mufumyamo, Nakonsha kutemwa ku mumweshwa lubaji lwa milanguluko yami, bino, Amiwa ne Mwinakilishitu, Nafwainwa kwikalatu zoo.” Monai, witaana obewa mwine pa masanga a mikwakwa ibiji, kabiji kafwapo nangwa umo walumbuluka ne. Pano, akyo kyakosa kwi kyamba, bino bo Bukine.

<sup>69</sup> Twitaana atweba bene pa mikwakwa ibiji; umo, ubena kuya mu jikwabo; umo, mu jikwabo. Pano twayai tumone Bukine bo buka.

<sup>70</sup> Pano telekai, mumone kana kikye kyaumvwanyikamo maana kwi anweba. Nobe kyakumwenako, inge Nanengezha

kuya ku bushiya bwa tulunga, kabiji Nasenda kisemi kyami amiwa mwine, Naita mukazhi wami kwiya koji, kabiji Naamba mba, “Tubena kuya- . . . Amiwa mbena kuya kubushiya bwa tulunga, mutemwe.” Pano luno lo lubaji lwa buntu, “Pano, mukazhi wami, Amiwa mbena kupana muzhilo kwi obewa! Inge waenda na muntu uji yense kimye Amiwa kyo nkaya, inge Nabwela ukekala mwanamukazhi ye bakana. Kabiji Amiwa kechi mbena kukeba obewa kuuba meso ne, kechi nakeba obewa kwendauka ne! Obena kumvwa kyokyo nyi? Amiwa yami mulume obe! Inge wikyuba, Nkakukana inge Nabwela.”

<sup>71</sup> Kabiji naye waiya kwi amiwa ne kukwata ku tayi, ne kwamba mba, “Mulume wami wawama, Nakeba kukubulapo kintu kimo, monai, monai, inge meso obe atala pa mwanamukazhi, nangwa kusenda mwanamukazhi uji yense, nangwa kwenda na mwanamukazhi yense ne, obewa ukekala mwanamulume wakanwa inge wabwela.” Pano, ayo kechi yakonsha kwikala nzubo ya lusekelo nenyi? Alo ke lubaji lwa muntu. Kijitu bulongo.

<sup>72</sup> Pano, lubaji lukwabo ke, lwakuuba mba inge Naya ku bushiya bwa tulunga kabiji Nalenga kilubo. . . Naya nakamba mba, “Pano, talai, Amiwa nsakusenda *yuwe* mwanamukazhi. Oo, kijitu bulongo na mukazhi wami, kechi untako muchima ne.” Mukazhi wami waamba mba, “Amiwa nsakuya na *yuwe* mwanamulume. Kijitu bulongo ne Bill, aye kechi untako muchima ne.” Inge kechi Nantako muchima ne, nishi pajipo kintu kimo kyatama kwi amiwa; Amiwa kechi natemwa yewa mwanamukazhi bulongotu ne. Kabiji inge kechi wantako muchima ne, nishi pajipo kintu kimo kyatama kwiaye. Aye ye mukazhi wami; Amiwa kechi nakeba mba mwanamulume mukwabo wakosama nanji ne. Aye ke mukazhi *wami*.

<sup>73</sup> Pano, jishinda jaitabilwa, ke jino, kwi abo bonse babiji kuji bukine, bino kechi Bukine bwapwijijika ne.

<sup>74</sup> Pano inge Naya ku bushiya bwatulunga, pakuuba mba kikale bulongo, kisemi kyami kicheche kipwila pamo, kabiji ne kwilombelela. Kabiji Amiwa ne bapana kwi Lesa, kabiji ne abo bampane kwi Lesa. Kabiji umvwe twauba kyokyo, tuya ku bushiy. . . Amiwa ngya bushiya bwatulunga. Pano, Amiwa nayuka mba watemwa; Amiwa njina luketekelo mwi aye. Ay- . . . kabiji Namutemwa; aye uji naluketekelo mwi amiwa. Kikulutu Namutemwa muyewa musango, aye kechi wasakamana ne amiwa kutola mwanamukazhi mukwabo ne. Kikulutu watemwa mo kyafwainwa, kika, kechi njipo na milanguluko ya kuuba mba mwanamulume mukwabo wakonsha kwenda nanji ne, mambo ye mukazhi wami kabiji Namuketekela.

<sup>75</sup> Naketekela mba, inge Nakonsha kuubapo kintu kimo kyatama, nauba kilubo na mwanamukazhi umo, inge nabwela nafwainwa kwisolola kwi aye, kabiji ne kumubula mba, “Meda,

Amiwa kechi nakukeba mba nekyube ne. Najikukwatwa mu kakose ka mulwany; awe mwanamukazhi waji nkunyemenatu ne—ne kukwata pa mukoko, kabiji natatula kuuba *kikananga-ne-kikananga*,” Naketekela mba wakonsha kumvwa. Naketekela mba wakonsha nkundekelako mambo pa kikye. Bino kechi Nakonsha kwikyuba ne, pabula kintu kijipo ne, mambo Namutemwa. Nangwa wakonsha nkundekelako mambo, Amiwa kechi nakonsha kwikyuba ne. Amiwa kechi nakonsha ku mukozha ku muchima ne, pabula kintu ne. Nangwa Nayuka mba aye wakonsha nkundekelako mambo pa kikye, Amiwa kechi nkeba kumukozha ku muchima ne.

<sup>76</sup> Kabiji abyo byokiji ne Lesa. Inge Ami... inge butemwe bwa *fileo*, ke butemwe bwa bumuntu, lumvwang’ano lwa butemwe, bwakonsha kulengela muntu wikyumvwa byobyo pa mukazhi wanji; pano nga butemwe bwa *agapao*, kyambo kya ki Ngiliki kyalumbulula mba “butemwe bwa Lesa,” bwankonsha kungubila byepi pe Yesu Kilishitu? Ami, kikulutu Nakeba kwikyuba, kiji mu muchima wami kwikyuba! Nangwa... Naamba mba, kikulutu kiji mu muchima wami mba nekyube, Amiwa nga na kwikyuba. Mwaila bumuntu kechi bwakonsha kundeka kwikyuba ne, mambo Nayuka mba inge Nekyuba bakonsha kumanyika pa kwikyuba. Bino Bukine bwine bwakikye ke bunu, inge butemwe bwa kwa Lesa bwaiya mu muchima obe bukulengela *kukeba* kwi Kyuba. Abo bo Bukine bwakikye. Paji masukuulu abiji. Kechi kyuba muntu ne nangwa kikwabo ne, nangwa Keovinizimu, ke byonse bibiji.

<sup>77</sup> Pano twatana kuuba mba leelo, ne akyo, muji madinominesheni avula apusana. Kuji kipwilo kya Katolika, kipwilo kya Polotesitanti. Kimo kimo kyamba mba akyo kyo Kyakine, monai, “Tuji na Jishinda, tuji na Bukine.” Kuji ba Methodist, baamba mba, “Tuji na Bukine.” Ba Baptist bamba mba, “Atweba tuji na Bukine.”

<sup>78</sup> Kyawama, kwi amiwa, kikulutu bekyumvwa muyeoye musango, kechi byokiji ne, mambo Yesu waambile mba, “Amiwa ne Bukine.” Mwamona?

<sup>79</sup> Onkao mambo, byonka byajinga mbila yami bufuku bwapita, amba Aye kyo kifulo Lesa po abikile Jizhina Janji, kyo kyonka kifulo kya bupopweshi. Obewa kechi wi Mwinakilishitu mambo wi mu Polotesitanti ne. Obewa kechi wi Mwinakilishitu mambo wi Katolika ne. Obewa kechi wi Mwinakilishitu mambo wi Methodist, Baptist, nangwa Pentekosito ne. Obewa wi Mwinakilishitu mambo akuba mba wabatizhiwa mwi Yesu Kilishitu, monka mu Mupashi Wazhila, kechi mu meema ne. “Kujitu Lwitabilo lumu; Nkambo umo; lubatizhilo lumu,” alo ke lubatizhilo lwa Mupashi Wazhila. Lubatizhilo lwa mu Meema lukuleta mu lumvwang’ano lwa bupopweshi. Alo lubatizhilo lwa Mupashi Wazhila lukuleta mwi Kilishitu. Abo bo Bukine.

<sup>80</sup> Kabiji tuji na milanguluko ibiji ya *Masongola Ne Kwikana*. Pano, byokiji, Nkambo yetu washikula kyafyamika kya Tutetesho-Tutanu na tubiji twa Kyambo Kyanji kwi atweba, mu ano mooba apelako. Pano, anweba bavula, akye kyafwainwa kwikala ki Ngiliki kwi anweba, bino kipwilo kyami kyayuka. Kupichila muka? Kabiji mwaumvwa na mambo abimwesho ne byaubiwa. Kabiji jipuzho ke jipuzho ja mu Baibolo, twaitwa mba tuketekele mba kwafwainwa kwikala mukumbu wakine ku byonse byafiwa byafyamika byafyamikile kufuma ku ntendekelo ya inontanda. Kabiji Baibolo waula nekwamba mba mu jino juba abye byafyamika bikayukanyikwa. Lumwekesho 10, “Kabiji pa jivi ja malaika wa butanu na bubiji, muluwe wa mu Laodikeya, byafyamika bya Lesa bikayukanyikwa.” Kabiji iye yo nkulo yapelako, ya Laodikeya.

<sup>81</sup> Talai pa konse kwe kusangululwa lwaya pa myaka fifitiini nangwa kukilapo, kabiji kechi mwafumapo dinominesheni mwi akyo ne. Luther wajinga na kusangululwa, mwalupuka dinominesheni; Wesley, mwafuma dinominesheni; Alexander Campbell, mwafumine dinominesheni; bonse bo bakatampe. . . John Smith ne bakwabotu, madinominesheni, Moody, bonse kuya kulutwe. Bino kuno kuji kimo. . . Kimye kyonse kusangululwa kwikalatu pepi nobe myaka isatu. Bino kikyeye kyaya pa myaka fifitiini, kabiji kechi mwafumapo dinominesheni ne, mambo akye ke kimye kya Lukunwa. Kechi kuji jikuzhi ne; panyuma ya jikuzhi jimo jaya, ke Lukunwa.

<sup>82</sup> Lesa winengezha, inge kechi Ubena kwikyuba pano ne, Aye usa kwita Kipwilo mu kulumbuluka kupichila mu Kyambo Kyanji, Yesu Kilishitu. Monai, kwafwainwa kwikala mukumbu kutu kumo, kabiji byokiji mba kyafyamika kya Tutetesho Tutanu na tubiji twa Lesa, Tutetesho Tutanu na tubiji. . .

<sup>83</sup> Baanga baumvwa kyokyo, sutulai kuboko kwenu. Twayai tumone. Naketekela mba bavula ba mwiabo ke kipwilo kyetu kituzhokoloka, telekai. Inge ne, mabuuku abena kufuma katatakatu, pa yuwe mutwe. Tuji na mabuuku, amo mabuuku pa Kikye.

<sup>84</sup> Yesu, mu kibaba kyetu, witwita mba tubwele ku ntendekelo, pakuuba mba tumone mukumbu wakine wa mu Kinembelo.

<sup>85</sup> Pano, byo Asambakene kikyeye, kwajinga bintu bibiji byamwekele. Ba mapulisiti baambile kwi Aye, “Muntu wakonsha kukana mukazhi wanji, ne kusongola mukwabo, pa mambo pa mambo nyi?”

Kabiji Yesu waambile mba, “Kechi kyajinga byobyoy kufumatu ne pantendekelo ne.”

Nanchi baambile mba, “Mosesa waswile kupana kalata ya buzhike, ne ku mukana amba bobbe kiji kyonse kyo bakeba.”

86 Aye waambile, “Mba, Mosesa waubile kyokyo mambo,” Amiwa mbena kwikajika kyokyo kimye kicheche, “mambo a kukosa kwa michima yenu; bino kufuma, nangwa ku ntendekelo kechi kyajinga byo byo ne.” Jipuzho!

87 Jipuzho leelo, nobe ja mutende wantanda, “Bushe bubena kwiya na bumulwila ntanda, kukwatakana kwa byaalo, kukwatakana pamo?” Naamba kwi anweba mba, ine. Kimye kyonse kyakakalwa, kabiji kikooba ne jikwabo. Bino kwashala mukumbu wakine ku Jipuzho, “Bushe pa kekalapo muntende pa ntanda?” Ee, kimye bubi po bukafumishiwapo pantanda, mutende ukekalako. Poso kyokya kimye, kechi kukekalapo mutende ne; “kyaalo kikemena kyaalo kikwabo, kabiji bufumu bukemena bufumu bukwabo.” Lesa wapaine bukwasho bwa bubi. Telekeshai pano. Lesa wapaine bukwasho bwa kufumyapo bubi pantanda, bino muntu wa pantanda kdchi waswa bukwasho bwakwa Lesa ne.

88 Lesa witupele bukwasho ne jishinda ja kusongwelamo bakazhi betu ne kwikala nabo, pakuuba muntu kechi waswa bukwasho bwakwa Lesa ne, kechi ukaswa Kyambo Kyanji pa kikye ne. Yesu waambile bibye. Kabiji kikye kituvulula atweba—mu Byambo Byanji, byo twayuka mba Aye waambile mba, “Meulu ne ntanda bikakakalwa, bikapita, pakuuba Byami kechi bikapite ne.”

89 Jipuzho, mukumbu wakine Yesu ye etukebela mba tubweleko, ke kubwela ku ntendekelo. Pano, akyo kyafwainwa kwikala Muntendekelo, mambo kyambo kya *Genesis* kyo kyapitala kya bu lukunwa kya jipuzho jiji jonse ja mu Baibolo. Kabiji kimye kyonse wafwainwa kubwela ku lukunwa pa kuuba mba mone musango wa lukunwa uji mu bujimi, pa kutana musango wa bijimwa byobe byobikekala. Bino, musango ka wa lukunwa wa byajilwe? *Genesis*, ye kyapitala kya lukunya, twafwainwa kubwela ku *Genesis*. Yesu wituleta ku kyokya Kinembelo, “kuntendekelo.” Pano, vulukai, apo kimye po kyatatwile kuntendeka. Kunyuma kwa kyokyo, kwajinga Peenape. Bino, jipuzho jetu kokwa jajinga, monai, inge twabwela kuntendekelo.

90 Pano kechi mukakalwe kikye ne! Kabiji oene mambo o Mbena kukeba kwambila bitende bitende, pakuuba mba bantu baji mu mawaya, kabiji pakuuba mba tepu akeyambe bulongo.

91 Inge Yesu waambile mba, “Yainga kuntendekelo,” akwa kwajingatu bibiji bibiji bya kyonse kyajinga pantanda. Kwajinga Adama umo, Eva umo, be banungakenye kwi Lesa bunke bwanji. Mbila wamukazhi umo, mulume umo; kyabala mukazhi umo, mulume umo. “Kuntendekelo,” nobe Aye byo etwambijile kubwela kunyuma, kwajingatu babiji babiji ba kintu kyonse. Akyo kya kine? Nanchi, twatana kuuba mba bintu byonse



“muntendekelo” byaendelenga mundonda yalumbuluka ne lumvwang’ano na Lesa, kafwako kyafumine mu ndonda ne.

<sup>92</sup> Bintu byonse mwiulu bikijitu mu ndonda; tubaangabanga tonse, mwela washasha, ndonda ya bya mwiulu, byonse bijitu bulongo. Kimo umvwe kyaenda, kyakonsha kulubakanya mutanchi yense.

<sup>93</sup> Pano telekai. Mwikimona nyi? Kulubakanya kumo konauna mutanchi yense! Pano, bantu byo baendelenga mukutwajijila na Lesa, na mwanamulume umo ne mwanamukazhi umo, awe mwanamukazhi walengele mambo kabiji kyataile mutanchi wantanda yonse kufuma mu ndonda yakwa Lesa. Onkao mambo, kyambo kimo kyanungwako kuyuwe Buuku, nangwa Kyambo kimo Kyafumishiwako, kifumya Mwinakilishitu kutwajijila na Lesa, kifu mya kipwilo kutwajijila mundonda yakwa Lesa, kifumya kisemi kutwajijila mu ndonda na Lesa. Yense waitabila wakonsheka kufumishiwamo, kupichila mu kubuula kuswa Kyambo kya Lesa.

<sup>94</sup> Nanchi, kyajinga mwanamukazhi walengejile lwabano lwa yoya nzubo yawama. Kechi wajinga Kelubi waletete lukatazho pantanda ne. Kechi kyajinga Adama wa onawine nzubo ne. Kechi kyajinga kintu kikwabo kyaonawine nzubo ne, kabiji ne kulekesha bintu byonse kutwajijila, kana mwanamukazhi, Eva. Kabiji yo iye “ntendekelo,” Yesu yo aambilepo, ya onawinwe. Yesu waambile mba, “Ku ntendekelo, Lesa walengele mwanamulume umo, mwanamukazhi umo, bya mu bilengwa byonse.” Kabiji pano awe mwanamukazhi... kechi mbili mwanamukazhi, kechi kabwa mukazhi ne; pakuuba mwanamukazhi, ye waonawine kutwajijila kwa nyingijilo ya mitanchi ya Lesa pantanda, kabiji ne kutaya bintu byonse mu mulufu. Mwanamukazhi, kechi mwanamulume ne, aye waonawine lulayang’ano. Aye waonawine lulayang’ano, mambo (kika?) aye wakilang’anye mipaka ya Kyambo kya Lesa. Pano, inge aye waonawine lulayang’ano na mulume wanji, waonawine lulayang’ano lwanji na Lesa; pano, mambo waonawine lulayang’ano na Lesa, wilonawine na mulume wanji.

<sup>95</sup> Kabiji umvwe waonauna mulaye obe ne lulayang’ano lobe na Kyambo kya Lesa, akyo kyo kyalengela kwikala na bamembala ba bipwilo babula kulumbuluka, mambo akuuba mba jibumba ja bantu bakumene pamo ne kwamba mba, “Kyawama, Kechi kyalumbulula *kyokyo* ne,” kabiji kyataya kabungwe konse kubula kutwajijila na Kyambo. “Atweba kechi twaketekela Kyokyo ne. Dokotala Jones waambile mba Kechi byo kyajinga ne.” Bino kikulu Lesa waambile mba byo byo Kiji, Aye waambile mba, “Lekai kyambo kyonse kya muntu kikale kyabubela, kabiji Kyami kikale kya Bukine!” Ponkapa kyonauna ndonda ya kutwajijila.

<sup>96</sup> Pano twamona, byokiji mba ndonda ya kutwajijila ya onaanwa, nanchi Bumi bwaonawinwe, kabiji ne ndonda ya kimye yaonawinwe, lulayang'ano lwaonawinwe, bintu byonse bya onawinwe! Kika kyalengejile? Mwanamukazhi. Akyo kyo kyaonawinwe lulayang'ano. Pano, inge mubena kukeba kutanga kyokyo, mwakonsha kwikitanga, Ntendekelo 3.

<sup>97</sup> Kabiji, ponkapo mwanamulume walengelwe kutangijila mwanamukzhi, monka mu Kyambo kya Lesa. Aye pano kechi wajinga waesakana-pamo nanji ne. Wajinga waesakana-pamo mu kulengwa, mwayukatu; bino, byo aonawine Kyambo kya Lesa, Lesa walengele mwanamulume ke wakumutangijila. Ntendekelo 3:16, inge mwakeba kwikinemba. Aye pano kechi wajinga waesakana pamo na mwanamulume ne. Aye wajinga waonauna Kyambo kya Lesa.

<sup>98</sup> Kechi mwikimona ne, "aye," aye, kipwilo papo? Waonawine Kyambo kya Lesa, akyo kyamufumishe mu kubula kutwajijila. Kabiji abyo kipwilo byo kyauba, kabiji ne kutaya lufu pa bintu byonse. Pano mwakonsha kukwatakanya ene mambo o Ng'ambila pa bibye bintu nobe byo Nguba. Ke Bukine! Abye ke bishika bya Baibolo.

<sup>99</sup> Monai, kika kyo aubijile kyokya kintu? Kyabyepi awa watemekwa, walamba, mwanamukazhi walumbuluka...?

<sup>100</sup> Namwene kipikichala kimye kimo, Naketekela mba kyajinga mu Greece, kya umo sendwe wapetele kipikichala kya kwa Eva. Akyo kyajinga kintu kyatama-bingi kyo mwabula kumonapo. Akyo kimwesa musango wa milanguluko ya butushi byo yakonsha kutalapo. Bino, aye kechi byo ajinga ne; wajinga walamba, mambo wajiga mwanamukazhi walamba, bonse banabakazhi.

<sup>101</sup> Monai, kika kyo aubijile kintu kya musango byoya, byo ajinga pa kyokya kifulo kya peulo? Wajingatu pamo na mwanamulume, waesekejiletu-pamo nanji. Bino atweba bonse twayuka mba wataaile bukwesakena-pamo na wamulume, byo alengelenga mambo, kabiji ne Lesa waambile mb, "Mwanamulume ukekala tangi obe kufuma pakino kimye." Pano, akyo kyo Kinembelo. Inge mubena kukeba, twakonsha kwikitanga.

<sup>102</sup> Mbena kwimupa Binembelo, pakuuba mba tupulushe kimye kya kukwe kukwatakana ku katampe kwa mwaya ntanda, mwikitange anweba bene.

<sup>103</sup> Monai ene mambo o aubijile kikye. Ng'anyi jishinda Satana jo afikijilemo kwi aye?

<sup>104</sup> Bushe mwayuka mba Satana waesekejiletu-pamo ne Lesa juba jimo? Kine byo ajinga, wajingatu byonse kana bumulenga; aye wajingatu kyonse kyonse, waimananga ku kilujo kya Lesa, monka Mwiulu, wajinga Kelubi mukatampe.

<sup>105</sup> Monai ene mambo kyo aubijile kikye, aye kechi wajinga mu bilengwa bitanshi kulengwa ne. Aye kechi uji mu bilengwa bitanshi byo alengele Lesa ne; aye wafuma ku kintu-kyalengwa. Onkao mambo, “ku ntendekelo,” nobe Yesu byo atongwelengako, aye kechi wajinga mu bintu bitanshi byalengelwe na Lesa ne. Aye walengelwe-kufuma ku mwanamulume, Yesu byo atazhizhe “kuntendekelo.”

<sup>106</sup> Vulukai, Adama wajinga byonse bibiji bwanabulume ne bwanabukazhi, mu kulengwa kutanshi, mu umo, bino aye waabenwetu na lubavu.

<sup>107</sup> Monai, bino ye bafumya-kukilengwa, kabiji, monai, ye yenka wa mubilengwa byonse byakwa Lesa, mu banyama bonse ne byonse byashala, aye ye yenka walengelwe muyuwe musango. Bikazhi byonse byashala byajinga mu bilengwa bitanshi. Bikazhi byonse byashala byajinga bya mubilengwa bitanshi, pakuuba Eva kechi wajinga mukilengwa kitanshi ne. Mwamona, awa walengelwe muyewa musango. Tusakufikapo pa kakimye kacheche palutwe. Monai, mu kukwe kulengwa ko ajingamo, kechi mu kitanshi ne, bino ye bafumya-kukilengwa. Kabiji mu kukwe kulengwa, kuji . . .

<sup>108</sup> Bino kechi Mbena kukeba kukozha michima yenu ne, bino Nasaka kwimubula anweba bya Bukine. Kabiji anweba mwikaletu zoo; mubena kuuba bulongo.

<sup>109</sup> Kechi kujipo kintu kyalengwa bujimbijimbi, nobe mwanamukazhi mujimbijimbi ne. Kechi kwakonsha kwikalapo kikwabo ne; kechi kujipo kyalengwa muyewa musango ne.

<sup>110</sup> Neapo, kafwako kyapela kujimbaikwa nobe mwanamukazhi ne. Pano, kupona kushinikisha iye ng’ambilo kwikala ya kine, kupona muntendekelo.

<sup>111</sup> Aye kechi wajinga mu bilengwa bitanshi byalengelwe ne. Aye wajinga mwi Adama, bino kechi mu bwanabukazhi ne, aye mwine, kuntendekelo. Aye walengelwe kufuma ku-kilengwa.

<sup>112</sup> Pano, bino kafwako kyalengwa kyakonsha kujimbaika, kabiji ne kujimbaikwa, bukiji bukijitu nobe mwanamukazhi ne. Kafwako kyalengwa nangwa kyakonsha kubwela panshi nobe mwanamukazhi byo akonsha kuuba ne. Pano langulukai. Kafwako kyalengwa, mu bilengwa byonse, kyakonsha kubwela panshi peene byakonsha kuuba mwanamukzhi ne. Aye wakonsha kutabaula bipimvwa bipimvwa muchima wa mwanamulume bukijitu kukila pa bintu byonse biji muntanda, ke mukazhi wanji. Lekai yewa mukazhi muचेचे wawama watatula kwenda na banabalume bakwabo; talai pa yewa mulunda waikala popa na baana banji, mipolo ibena kufuma mu meso anji. Aye walengwa muyewa musango. Aye walengwa kuuba kikye. Kafwako ngulu, kafwako kabwa, nangwa nyama mukwabo ne, walengwa nobe aye nangwa kubwela panshi peene. Bino, akyo kyakine.

Kutazha ku banyenga yami, Nasaka namba anweba mumone.

<sup>113</sup> Kafwako nyama uji na byubilo byatama ne. Anweba mutela kabwa amba “pite,” kabwa mukazhi, mutela mwanamulume. . . ngulu “ngulu mukazhi,” bino byubilo byanji byawama milyoni mailoshi kukila ukaya bisela mu Hollywood. Abyo aye byo alengwa kubwela panshi. Aye kechi. . . Anweba langulukaitu pa kikye. Kafwako kintu muntanda, kyalengwa mu bilengwa bya kwa Lesa, kyakonsha kwikala na byubilo byatama, kyakonsha kubwela panshi peene ne.

<sup>114</sup> Anweba mwaamba mba, “Pembelaiko mineti umo, ‘mwanamulume!’” Tusakufika kukyokyo. Mwanamukazhi wafwainwa kwamba mba “ee.”

<sup>115</sup> Monai, kafwako kyalengwa kubwela panshi peene, nangwa kwikala wabubipisho, kana mwanamukazhi. Kabwa kuuba wikyuba ne, ngulu kuuba wikyuba ne, kang’onyi kuuba ke kyuba ne. Kafwako nyama wa byubilo byatama ne, kabiji kechi kyakonsheka ne, mambo kechi walengwa kuuba kyokyo ne. Mwanamukazhi ngulu kechi wakonsha kwikala na byubilo byatama ne, kabwa mwanamukazhi kechi wakonsha kwikala na byubilo byatama ne, ng’onyi kechi wakonsha kwikala na byubilo byatama ne. Mwanamukazhi ye yekatu wakonsha kwikyuba.

<sup>116</sup> Pano mwamona Satana ko ayile nyi? Mwamona? Bino nangwa byonkabyo ye uji, aye ye uji na bulume bwa kwamba mba “ee” nangwa “ine.” Mwamona, kyailatu pa kifulo kyo ubena kukeba kwibikapo obewa mwine. Mwamona? Apano twakonsha kumona patoka lukunwa wa muloolo, po atwelejile. Kujitu kifulo kimo ko akonsha kuya. Inge akyo kechi kyakonsha kwikilondolola ne, muntu umo nishi mpofu. Mwamona? mwamona, aye wayile kuyewa.

<sup>117</sup> Monai, ene mambo banyama kyobakonsha kubula kwikyuba, nyama mukazhi, bajinga mu bilengwa bitanshi byalengelwe. Bino mwanamukazhi kechi wajinga mu byobya bilengwa bitanshi byalengelwe ne. Pano tusakubwela ku kikye, kabiji ne kwikileta ku jino juba jaleelo, mu Lulayang’ano.

<sup>118</sup> Aye walengelwe, buke, kwikala wa bubipisho ne bya bunya. Kabwa kechi wakonsha kuuba ne, kabiji kafwako kikwabo kikazhi kyakonsha kuuba ne. Ye yenka mwanamukazhi wakonsha kwikyuba. Kabwa nangwa banyama bakwabo, jimotu pamwaka, kabiji ne akyo ke mambo abaana; kechi namambo alwiso lwabutunshi ne. Mukulumpe wa ngulu mukazhi, mukulumpe kabwa mukazhi, jimotu pamwaka, kimye kimotu, ne akyo ke mambo abaana. Pakuuba mwanamukazhi walengwa kimye kyonse kyo akeba. Amiwa njina bintu bino byo naipaya papo; anweba mwakonsha kulanguluka byashala. Kabwa kuuba wauba ne; mwanamukazhi wakonsha. Nakeketekela

mba Mupashi Wazhila emusolwele byashalapo pa byo Naipaya papo.

<sup>119</sup> Ye yenka musango wakilengwa, musango wa bikazhi, walengwa walamba kukila bilume. Kafwako musango mukwabo wa kilengwa mu byonse ne. Byonse bikwabo bilengwa bya Lesa bilume byo byalamba, nobe mu banyama, bang'onyi, kabiji ne bikwabotu, kimye kyonse bilume byo byalamba.

<sup>120</sup> Talai pa sotwa mukatampe, masengo akatampe awama, musango mukatampe; kabiji ne mucheche, wikepesha mukazhi. Talai pa shinkombwe mukatampe na mayona anji awama; kabiji ne mucheche, kyaje wachiluluka. Talai pa bang'onyi, shinkombwe ne kyaje. Kika? Kika kyo kyaikela byobyoye, pa byalambishamo. Pakachi ka mikoko, pakachi ka—ka bangulu, pakachi ka bambili, pakachi ka bikwabo byashala, kimye kyonse mulume mukatampe ye walamba, kabiji ne mu bang'onyi.

<sup>121</sup> Bino mu mutundu wa muntu, ke mwanamukazhi ye walambamo, kechi mwanamulume ne; inge mulume waikala, pajipo kintu kimo kyatama, pajipo lukunwa-wakilang'anya pantu pamo. Kufumatu kukutendeka kijitu byonkabyo. Kika? Kika kyo kyaubijilwe byobyoye? Ke kyakujimbaikilako. Sendwe wanji, Satana, ukingijilatu pe aye, ne apo, mu ano moba apelako.

<sup>122</sup> Lekai ngimaneko ponkapo pa kakimye kacheche. “Kulamba!” Bushe mwayuka mba, pa konaunwa kutanshi, byaalo byonse, bya pantanda, nangwa mwaaya ntanda yonse, kyajinga mambo abanabakazhi balamba? “Kimye baana ba kwa Lesa byo bamwene banababakazhi bajinga balamba bingi, batolelenga banabakazhi.” Abyo ibyo nyi?

<sup>123</sup> Bushe mwamona kulamba kwa banabakazhi kubena kuyilakotu palutwe mu jino juba nyi? Amiwa namona kipikichala kya kwa Pearl O'Brien, awo watelelwe mba ye mwanamukazhi walambisha mu kyaalo, pa kimye kimo. Kafwako nsongwakazhi-mwanyike mu sukuulu wabulakumukila ne, mwaila kulamba.

<sup>124</sup> Kuvula kwa buya bwa banabakazhi kubena kumweshwa kimye kya bujimbijimbi. Ng'anyi kimye kipwilo po kyamwekele kwikala na buya bwabaya kukila pa jaleelo? Bintu byonse bibena kumweshatu bikatampe, bishimikwa byabaya byawama, kabiji mamilyoni a *bibye* kabiji ne mamilyoni a *byobyay*. Kechi mubena kumona ne, “aye,” bujimbijimbi!

<sup>125</sup> Bino, kafwako kyakonsha kubwela panshi nobe aye ne, kabiji walengwa byobyoye pakuuba mba ekale wakujimbaika. Kabiji Satana ubena kwingijila bingi pe aye leelo, mu ano moba apelako, mambo aye ye wamwingijilepo. Nakonsha kushiniikisha kyokyo pano. Kubwela kunyuma ku ntendekelo, ing'anyi watatwile kwingila pe aye, Adama nangwa Satana,

Lesa nangwa Satana? Monai, awa ye waingijile pe aye. Kyo kilwilo kyanji kikatampe kya kutaya banabalume mu bubipisho, kwikala mwanamukazhi walamba, wakonsha kutwala mwanamulume kuji konse nkoakeba. Mulongo, kechi bukyakolwa kuno bo busenda mwanamulume ne; ke mwanamukazhi walamba ubena kwenda mukwakwa, na kwizhobakanya aye mwine, mvwajilo ya kichika. Akyo kyo kisenda. . .Ao ye mujimbijimbi ponkapo. Kabiji wanshita bingi pakyokyo, kyakine wanshita bingi. Anweba mwakonsha nkungipuzha pe Satana kwikala wakumwingijilapo, bino abo bo Bukine. Satana wingijilepo pe aye. Aye ukikyubatu.

<sup>126</sup> Lekai ne mumweshopo kintu kimo mu Kinembelo. Nafwainwa kwimutwala ku Kinembelo, bino anweba mufumyepo milanguluko yenu pa kutalapo leelo.

<sup>127</sup> Satana iye uba yewa musango wa buya. Inge twamona, wajinga wakila kulamba pa bonse ba Malaika Mwiulu. Abyo ibyo nyi? Kabiji aye wakebele kwalula Mwiulu ke mpuzha yawama kukila bufumu bwa Mikela. Abyo ibyo nyi? Kabiji, pa kumweshwa mba Kaina wajinga mwaana wanji, aye wapaine bupopweshi bwakila kuwama, wawamisha bitapisho byanji na bipangwa ne maluba, kabiji ne bikwabotu. Bushe ibyo nyi? Kulamba! Bubi bwawama bingi, kyo tutela mba buya leelo. Kabiji ubi bujimbaika, na buya. Anweba kechi mwakonsha kutala pa mwanamukazhi ubena kuya mu mukwakwa kabiji mwabuulang'ana biji mu muchima wanji ne. Mwamona? Bino Nasaka kwamba bibye bintu pakuuba mba mwakonsha kumona ene mambo Satana kyo aikela wakumunengezha. Abyo kine ibyo, mwananji washinikishe, Kaina. Pano, aye walamba pakuuba mba wakonsha kujimbaika.

<sup>128</sup> Ntanda yawama pakuuba mba ijimbaike. Natazha mu kuuba mba *kosmos*, mwaila ndonda ya ntanda. Yawama pakuuba mba yakonsha kujimbaika, mampuzha akatampe awama kabiji awaina.

<sup>129</sup> Vulukai ngauzhi, Amosi, byo ayishile kokwa na kutala muyewa muzhi, kabiji wa mumwene nobe Hollywood, meso anji acheche ailenga na kukepelako, mushi ya suki yamvwi yajinga mukilungi kyanji. Kabiji waileko na Mbila, kabiji Wiitayile muyoya mpuzha. Aye waambile mba, "Awa yeka Lesa ye mwaamba mba ye twingijila, ukemonauna!" Abyo ibyo.

<sup>130</sup> Bubi, bwawama. Balenga Yudasa nobe mukote umo kitomi uji mu mukwakwa kuntu kumo, kabiji mukanwa mwaasama ne baluzhi, ne bikwabotu, amba Yudasa. Yudasa wajinga walamba, wakosa, mujimbijimbi. Kechi kutala kuyewa uji kwipi ne obe ne, kechi yewa muntu (jimi wakala) wiya kasa amvwala ofoloshi ne, utala pa mukazhi obe; ke yewa umvwala ne kumweka bulongo, ye mujimbijimbi.

<sup>131</sup> Bubi bwawama ku meso a ntanda, bino Lesa kechi uji muyewa musango wa buya ne. Bushe mwayuka kyokyo nyi? Lesa utanwa mu byubilo, byubilo byawama.

<sup>132</sup> Mu Baibolo, Isaya 53, inge mubena kukeba kunemba Kinembelo. Paji mitanchi ya Binembelo byanembwa kulubaji lwakyo papo. Isaya 53, Baibolo byo aamba pe Nkambo Yesu, amba, “Kechi wajingapo na buya bwakuuba mba Tumukomoke ne. Kabiji twafile bilungi byetu kwi Aye.” Abo ibyo nyi? Kechi twamukebelenga Aye ne, mambo kechi Wajinga na buya ne. Aye wajinga kape mulongo mucheche, bipuzhi-byakukuluka, mwekelo-yabwitote, kabiji Aye kechi wafikijilemo kwikala tangi ne. Aye kechi wamwekele nobe tangi ne. Waambilenga nang’ambilo ya bantutu-bamumukwakwa, ne bikwobotu, byonka byuba bantu, bantu bonse, nanchi Aye kechi wamwekelepo nobe Wajinga muntu wafunda masukuulu ne, kufunda, wawaina, mukukumba mubiji yense, ne byonsetu. Aye wajinga byonka biji Muntu yense. “Kechi mwajingapo buya mwi Aye, kyakuuba mba tumukomoke Aye ne.” Aye waendelenga mukachi ne pangye ya muntu, kasa aya kulutwe, abo kechi bamuyukile kana Ye Ng’anyi ne. Aye kechi wamwekelenga nobe lesa ubena kwenda, kyakuuba mba twakonsha kulanguluka mba lesa ne. Bino, pamotu, byo Ajinga!

<sup>133</sup> Bushe mwamona kimye Nkambo Lesa kyo aambile kwi—kwi Samwela, “Yanga ku nzubo yakwa Yese na kushinga manyi umo mwananji, ke mfumu, kusenda kifulo yakwa Saulo?”

<sup>134</sup> Bino, bantu basalulwile Saulo, bino Samwela wibabujile mba kechi bakonsha kwikyuba ne. Aye waambile mba, “Lesa kechi ukeba anweba kwikala na mfumu ne; Aye ye Mfumu wenu.” Kabiji waambile mba, “Bushe Naambapo kiji kyonse kwi anweba, mu Jizhina ja Nkambo, kanatu kyafikizhiwa? Bushe Amiwa ne mulombapo mali nangwa *kintu kikwabo*, mu bwikalo bwami?”

<sup>135</sup> Abo baambile mba, “Ine, obewa kechi witulombapo mali ne. Kabiji byonse byo waambile, mu Jizhina ja Nkambo, kyafikizhiwe. Tubena kukeba mfumu, nangwa byonkabyo,” nanchi basajile Saulo. Talai kyasajile ntanda! Talai kyasajile Isalela! Isalela, washingwa manyi wa Lesa, basajile muntu wajinga na muntwe ne bipuzhi biji peulu ya muntu yense mu kyaalo; mukatampe, wabaya, wawama, mulongo wamwekelenga-kulamba, kabiji kimye kyonse wajinga wakatumbuka mu manyi.

<sup>136</sup> Bino Lesa waambile mba, “Amiwa mbena kwimusajila mfumu mwaila kusala Kwami.” Nanchi Aye waambile mba, “Samwela, Amiwa kechi nsakukubula ye ng’anyi ne, pakuuba obewa yanga konka kwa. Ye umo wabaana bakwa Yese.”

<sup>137</sup> Kabiji Yese, mukazhi wanji, ne bonse bakeketele konse konse, baambile mba, “Ee, mwanetu mukulumpe, aye

mukatampe, walepa, mwanamulume walamba, aye ukamweka bulongo na kisochi kya bumfumu. Aye wajimuka. Aye wafunda. Aye ke muntu wawama. Nayuka ukekala muntu walumbuluka. Aye wamba byambo bulongo.”

<sup>138</sup> Byo bamuletele, Samwela watolele mutumwa wa manyi nkaye ne koaji. Aye waambile mba, “Ine, Nkambo wamukana.” Nanchi aye wayile mubonse, ku baana sikisi, kabiji aye Nkambo wibakaine bonse. Aye waambile mba, “Bushe kechi kujipo mukwabo nenyi?”

<sup>139</sup> “Oo,” aye waambile mba, “ee, kujipo umo, uji kunyuma ubena kufunga mikoko. Aye wikalatu konkakwa na kwimba ne nyimbo, kabiji wiyimba, ne kubijika, kabiji ne kutwajijila. Bino, aye uji na bipuzhi-byalala bya bicheche, mwanamulume umweka-bwitote, kechi wakonsha kufikilamo kwikala mfumu ne.”

<sup>140</sup> Aye waambile mba, “Yanga ukamulete.” Kabiji kimye Davida kyo afikile ku meso a ngauzhi, ngauzhi wa munyemejile na manyi ne kwitulwila pa mutwe wanji, ne kwamba mba, “Awe Lesa ye asala.” Kechi kulamba ne; kana byubilo. Lesa umona pa byubilo.

<sup>141</sup> Muntu utala pa buya bwa ku mubiji. Bujimbaika. Kabiji ao oene mambo mwanamukazhi kyo apejilwe bobwa buya, bwa bujimbijimbi, bwa kujimbaikilako. Mwanamukazhi walamba, inge kechi wibwingijisha mu jishinda jawama ne, ke jifingo kwi aye; akyo kikamutwala ku ngehena bukiji kukila kintu kiji kyonse kyo Nayuka. Inge aye wa . . . Inge wakonsha kwikala walamba, kine, waikala na mulume wanji kabiji ne kuuba byaoloka, kabiji akya—akya kyawama ne kwitabilwa. Bino wakonsha kutola kintu kimo ne, ami, wakonsha kujimbaika nakyo, mambo kyapewe kwi aye kuuba byobyoy.

<sup>142</sup> Monai, bino, Lesa uji mu byubilo. “Kechi mwajingapo musango wabuya kya kuuba mba Yesu tumukomoke ne,” bino kechi kwajingapo byubilo biji nobe Byanji ne, pantanda.

<sup>143</sup> Pano twatana kuuba mba, leelo, byubilo bya—bya kipwilo, Satana ne jibumba janji, bakeba bikatampe, bipwilo byawama, bintu byawama. Abyo ntanda byo italapo leelo. “Oo, ke kafunga, kimye kya *kananga-ne-kananga* mukatampe, *kananga-ne-kananga*, bupulisiti ne bulesa, pakwenda, mikukumba ikatampe, kabiji ne bintu bikwabo bya byobyoy.” Abo batela byobyoy mba buuya.

<sup>144</sup> Pakuuba bene bazhijikwa ba kwa Lesa bakeba byubilo bya Kyambo kyashinikishiwa.

<sup>145</sup> Abyo bazhijikwa byo baubile mu joja juba, byo bamwene Yesu. Aye kechi wajingapo na kimo kya kumumwenako ne, bino bamwene Lesa mwi Aye. Abo bamwene mba Lesa uji Nanji.



<sup>146</sup> Abyo byo kyajinga, Joab ne booba bantu bajinga ne Davida, mucheche mulunda mukote, bino abo bamwene awa—awa mwanamulume wajinga mwi aye. Abo bamwene mba Lesa wajinga mwi aye, kabiji bayukile mba juba jimo ukeya mu butangi. Abo. . . Umo wibepaile bakwabo faivi balongo bakwa Golyata, buke bwanji-mabokoboko. Umo waipaile banabalume fili aduleendi; apo banabakazhi po batolelenga kunde ya mulajilo, kabiji bashilikale bafuminepo, kabiji watolele jifumo ne kwipaya banabalume fili aduleendi, bena Filisitiya. Byubilo! Kika? Baikele konka kwi Davida. Abo bayukile mba kushingwa kwa manyi kwajinga pe aye, kabiji bamuyukile mba ubena kwiya mu butangi.

<sup>147</sup> Ke kipikichala kyawama bingi kya Kipwilo leelo akyo kyakonsha kwimana kulubaji lwa Kyambo! Twayuka mba Aye ukashinikisha. Twayuka mba Kibena kwiya mu butangi juba jimo. Nangwatu Saulo. . . Kabiji wajinga wafyama ku byaalo byashala, bino bayukile mba ubena kwiya mu butangi. Atweba twayuka mba Aye ubena kwiya mu butangi, ne aye, nanchi twatola kyokya Kyambo ne kwimana ponkapa, nangwatu kyubiwe byepi. Inge twakonsha kuchibakanya bena Filisitiya, nangwa kukilukila mu kimbo na kwipaya bokwe, nobe byaubile umo, tuyenga nangwa byonkabyo, mambo kyo. . . amo Lesa mo ekilengejile amba kikelemo. Atweba tukeba byubilo.

<sup>148</sup> Anweba mwakonsha nkungipuzha mba, “Kika Aye kyo amuswishishe kulengwa byobyoy?” Amiwa kechi mbena kukeba kusenda kimye kyabaya ne, mambo Njina byavula papo byakwamba. “Kika,” jipuzho jakonsha kwiya, “kika Lesa kyo alengejile yuwe mwanamukazhi kwikala bibye? Kika Aye kyo amuswishishe kwikala muyewa musango?” Kyajinga kyatokela muchima Wanji Aye mwine. Kine.

<sup>149</sup> Pano inge mubena kukeba kuzhikula mu Baibolo wenu pa kamineti kamo, twayai tuzhikule mu Loma 9, kaminetitu kamo, kabiji ne mumweshapo kintu kimo, Lesa byo oba bintu, inge mubena kukeba kwi—kwikitanga. Kabiji twakonsha kumona papo Lesa byo oba ku buwame Bwanji Mwine. Loma 9:14.

*Pano twakonsha kwamba mbaka?*

*Bushe ko buji bumbulwa koloka kwi Lesa nyi? . . .*

<sup>150</sup> Byo Asajile Isao, nangwa byo asajile Yakoba ne kukana Isao, nangwa umo nsongwalume kasa akyangye kwikala wakusalulula, aye mwine, nangwatu umo mwi abo ne; kasa bakyangye kusemwa ne, byo bajingatu munda mwa bainabo, Lesa waambile mba, “Isao Namushikwa, pakuuba Yakoba Namutemwa.” Mwamona? Kika?

*Mambo aye wamwambijile Mosesa mba, Nkamubila lusa yenkawa ye Nkobila lusa, kabiji Nkamubila bulanda yenkawa ye Nkobila bulanda.*

*Byonkabyo nanchi kechi...yewa usaka ne, nangwa...yewa unyema ne, nanchi o mambo a lusa lwanji aye Lesa.*

*Mambo kinembelo kyamwambila Felo amba, Onka ano mambo o Nakwimenya obewa, namba Amiwa mweeshe bulume bwami mwi obewa, kabiji namba jizhina jami jiye nkuwa panopantanda.*

*Onkao mambo...aye (Pano monai papo.)...-kasa... aye umubila lusa yenkawa ye aswa kubula lusa, kabiji ne aye ye aswa kukosesha muchima ye akosesha.*

*Pano obewa usakwamba...kwi amiwa, Nanchi mambo ka...o kitushinina? Pano nanchi ng'anyi wimena kyaswa muchima wanji?*

*Ine nanchi, Obewa muntu, wi ng'anyi wishinawina ne Lesa? Kyobabumba kimwambile wikibumba mba, Ikika kyo wabumbila bibye?*

*Nangwa aye mbumbi kechi uji na luusa pa buchimba, bwa mushishi umo kulengamo kijilo kimo kya mushingi, kabiji ne kikwabo kyabulamo mushingi?*

*Kabiji pano ibyepi Lesa, umvwe waswa kumwesha bukaji bwanji, ne kuyukanyikisha bulume bwanji, aye wibitekanyijile... na kukoka muchima kwavula bijilo bya bukaji byafwainwa konaikwa:*

*...mu kuuba mba ayukanyikishe bunoshi bwa lukumo lwanji pa bijilo byalusa, aby byo anengezhezhe jimo lukulo lwanji,*

<sup>151</sup> Pano mwakonsha kupichika na kyokyo pa kimye kicheche. Lesa wikyubile! Aye wikilengele muyuwe musango. Kyafwaijilwe kwikalako. Pano telekai. Bino pa mamineti faiwi, Nasaka kwita milanguluko yenu pa kintu kimo.

<sup>152</sup> Lesa kyo Kika? Lesa ke Peenape mukatampe. Kuntendekelo, kunyuma kwiine akwa saka kukyanye kwikala ne ntendekelo, Aye kechi wajinga ne Lesa ne. Bushe mwayuka kyokyo nyi? Lesa ke "kintu kya bumpopweshi," kabiji kechi kwajingapo kintu kya kumupopwela Aye ne. Aye waikela bunke bwanji.

<sup>153</sup> Kabiji mwi Aye mwajinga nkebelo. Nkebelo kyo kika? Ke mulanguluko. Pano musakutana kintu kyatala pa lufunjisho lwa bufuku bunu. Monai, Aye wajinga na nkebelo Yanji yajinga mwi Aye. Pano, kyajinga mwi Aye kwikala Taata, kyajinga mwi Aye kwikala Lesa, kyajinga mwi Aye kwikala Mwaana, kyajinga mwi Aye kwikala Mupulushi, kyjinga mwi Aye kwikala Ubuka. Kabiji byonse bye bintu bibena kumweshatu nkebelo Yanji. Kechi kujipo nangwa kimo kyafuma mundonda ne. Anweba mwalanguluka mba Lesa kechi wamwene mpelo kufuma kutendekelo nenyi? Kyakine, byo Aubile. Kechi kujipo

nangwa kimo kyafuma mundonda ne, bibena kumweshatu nkebelo Yanji.

<sup>154</sup> Pano, Aye kuuba waikala *waoloka* kabiji walenga muntu amba akapone ne. Aye wamubikile pa kifulo kimo, kyakusala byakuba, pakuuba mba aye mwine esajile, bino wayukile mba ukapona.

<sup>155</sup> Bino, Aye kuuba waikala Mupulushi ne kanatu kintu kimo kyalubilamo. Aye kuuba waikala Ubuka ne kanatu kintu kimo kyakolwa. Abye bintu byafwainjile kwikala yenkawa usango. Lesa wibilengele byobyo pakuuba mba nkebelo Yanji ikatampe imwekanyike. Inge kechi kwajinga kyokyo ne, Aye inge kechi wajinga Mupulushi ne. Bino twayuka mba Aye byoajinga, kasa kukyanye kwikala kimye ne, Aye wajinga Mupulushi. Aye wajinga Mupulushi, nanchi kwafwainwa kwikala kintu kimo kyalubilamo. Pano kikekala byepi?

<sup>156</sup> Inge Aye watola kabiji wabwela wikitaya, pakuuba mba ekipulushe, nanchi kechi ke bololoke ku buchishi Bwanji ne. Aye kechi wakonsha kutuma muntu mu ngehena, kabiji waikala waoloka ne. Aye uji na lusa, watekanya, wakine, wakishika, kabiji Aye ke Mutonyi mukatampe. Monai, Aye wakonsha kwikala wakushinda nyingijilo yanji Aye mwine.

<sup>157</sup> Nanchi Aye wamubikile muntu, kwikala wakwifukwila aye mwine, pakuuba mba kikosheke, byo ayukile, mba ukapona; kabiji muntu, mu kipasha Kyanji Mwine, wakonsha kupona byepi? Pano obewa ubena kumona Kyeya kyamute? Nanchi, Aye walengele kufumya-kukilengwa, kintu kimo kyafumishiwa ku kilengwa kitanshi. Pano mwikimona. Mwamona? Abyo byokiji. Mwamona? Nanchi, akyo kyo kyaponene. Aye wikilengele, kasa ayuka mba ukapona. Kabiji kyabikwa mu maboko akwa Satana, pakuuba mba kikale kipe kyabula mushingi. Nga munema wabikwa kwepi leelo? Anweba langulukai pa kyokyo. Pano mweshai bulongo.

<sup>158</sup> Pano ne jikwabo, kika kyo alengelwe muyuwe musango kupusanako na bikazhi bikwabo, kika mwanamukazhi kyo alengejilwe byobya kwakubula bikazhi bikwabo? Kafwako bikazhi bikwabo byalengelwe byobya. Kechi byobiji ne, leelo. Abo kechi bakonsha ne. Kechi byalengelwe muyewa musango ne, kuba wikyuba ne. Kika Aye kyoabujile kulenga yuwe mukazhi, mwanamukazhi, nobe bikazhi bikwabo, pakuuba mba ekaletu mu musango umo, wakusematu baana? Pakuuba mba waikalatu na mulume wanji, ne kwikala; kabiji inge kimye kyaiya kya mwanan, waikala na mwananji. Kika—kika Aye kyo amulengejile kwikala yuwe musango?

<sup>159</sup> Amiwa kechi nakonsha kwamba bibye byambo ne. Kabiji mwaumvwa kyo Mbena kwambapo, kechi ibyo nenyi? Inge mwakonsha kukwatakanya, ambai mba “amena.” [Kipwilo kyaamba mba, “Amena.”—Waku.] Ee. Mwamona? Muji

bansongwakazhi banyike baikala muno, ne bansongwalume banyike, monai. Bino anweba mwayuka, nyama wafwainwa kufika pa kimye kimo kya mumwaka, bino mulume wanji, nanchi kyapwa. Bino, mwanamukuzhi, ke kimyetu kyonse. Kabiji Aye kika kyo amulengejile yuwe musango?

<sup>160</sup> Pano monai kuletwa patoka kwa mutanshi Wanji mukatampe, byo tubena kupita mumwe pano, kyajinga kyalumbuluka byafwainwa kwikala kyalumbuluka. Amiwa kechi nayukile kikye ne kanatu juba jikwabo.

<sup>161</sup> Kika Aye kyo abujile kumulenga byo byo kuntendekelo, byonka biji bikazhi Byanji bikwabo? Mambo kyafwainwa kwikala kyabula kufwainwa kwi Aye. Aye ye Nsulo ya kutokeshiwa. Ao oone mambo kyo Alekejile Satana kumukwata, kyo aubile kutwala bintu mungi. Akya kilengwa kyafwainwa, kechi kyafwajilwe kuwama kwi Aye ne, kine kintu kyo amulegejile.

<sup>162</sup> Yonse mingilo Yanji yo anengezhe, mu butanshi, byatwajijitu. Yonse mingilo Yanji itanshi yajinga yatwajijila. Kabwa mukazhi, kabwa mulume; mukazhi ng'ombe, mulume ng'ombe; byonsetu byatwajijila. Bilengwa byonse byatwajijilat. Lukunwa ufwa, waya mu mushiji; pamo nobe lufu, kuzhikwa, kusanguka. Meema a mubichi aya panshi ya kichi, kyaponya mabula, kyabwela mwaka walondelapo na lusanguko lwa mabula apya. Mwamona mo Nekitazha? Bintu byonse, bilengwa na lesa, bya Lesa, mu byonse muji kutwajijila, mu kimo; kabiji papo paji kimo kyalengelwe mu kubula kutwajijila kwa Lesa. Bilengwa na lesa byalengwa pakuuba mba byabula kulenga mambo. Langulukai! Bilengwa bitanshi, bya Lesa, kechi byakonsha kulenga mambo ne.

<sup>163</sup> Oo, pano mwikimona nyi, muyuwe musango papo, kutwalwa mungi kwa kipwilo? Kitamshi kyo Kyambo kya Lesa kya kiine! Kechi mujipo bubi mwi Lesa ne. Mwamona mo Nekitazha nyi? Akino ke kilengwa kyaishile kutanwako na musango ungi. Lesa ukekala na Kipwilo, bino talai pa kikye kintu kyaya mungi kyobajinakyono kuno.

<sup>164</sup> Lesa uji na mulume ne mukazhi. Bino, yuwe mwanamukazhi, monai, bine byubilo bimweshwa bintu byajinga mu milanguluko ya Lesa. Twakonsha kusenda awala umo, nangwa abiji, pakuuba mba kyalondololwa bulongo. Aye . . . Walengele kikye kilengwa muyewa musango, Aye walengele kilengwa ne kwikipana kwi Satana pakuuba mba amukwate, kabiji wikyubile. Aye ukijitu nanji. Aye kyawama wanyemena ku Musalabo, nobe mwanamulume, ne aye.

<sup>165</sup> Monai, bilengwa byonse biya mukutwajijila. Inge Aye walengele mwanamukazhi mu musango wa kilengwa kitanshi, inge kechi kwajinga bubi ne, mambo aye inge kechi wikyubile ne,

mukazhi inge kechi wikyubile. Aye uji mu musango wapusana na kilengwa kitanshi.

<sup>166</sup> Nanchi ne ubi ke kutwalwa mungi kwa Bukine butanshi! Bubela kyo kika? Ke Bukine bwapipulwa. Bukende kyo kika? Ke musango waitabilwa watwalwa mungi. Nanchi kuji kilengwa kyatwalwa mungi, kuji bintu byonse byatwalwa mungi. Kabiji kintu kyonse kyasopelelwa mba b-u-b-i, kyaikala byobya. Oene mambo jipuzho kyo jakosela.

<sup>167</sup> Ke kibesetu kimo, kyalengwa ku mwanamulume, pakuuba mba ajimbaikwe; Lesa wikilengele, ponkapo kyashinikishiwa. Akyo kyo alengejilwe.

<sup>168</sup> Mwanamukazhi wa byubilo byatama kyo kintu kyabwela panshi kyo mwakonsha kulangulukapo, pantanda. Ndekelaiko mambo, bainetu banyike. Aye kafwako byo aji ne ke kyakutayamo biswaswa kya bumuntu, ke bukende buji patoka. Abyo byobyo anji, mwanamukazhi wabyubilo byatama, ke kyakutayamo biswaswa kya bukende bwa bumuntu, kuji busaji, ndochi, byubilo byatama, busaji bwa panshi-peene bufuma kwi aye. Kika kyo alengelwa muyuwe musango? Mambo abujimbijimbi. Bubi bwatainwe pantanda bwaletelwe na mwanamukazhi.

<sup>169</sup> Kabiji sawakya wa kupesapesa kufuma ku Chicago, umo—umo mwanamukazhi wanembele yuwe sawakya, kipamo kya bakapokola, balondaizhe kikye, mu United States, metropolitan United States, amba, “Naite-eiti paseti wa mambo onse alengwa mu musango uji yense, mu United States, kyajinga mba mwanamukazhi uji monka nangwa uji panyuma yao.”

<sup>170</sup> Pano Mbena kwamba byonse bye, pakuuba mba fike ku kintu kimo ku mpelo, pakuuba mba anweba mumone lukatazho byo luji.

<sup>171</sup> Aye walengelwe kwikala wakujimbaika, nobe byo aubile Adama kuntendekelo, wamubujile mba kipangwa kyawama, kabiji ne bikwabotu, kumujimbaika ne kumufumyako ku Kyambo. Ajo jo jishinda kipwilo mokyubila leelo, kintutu kimo.

Pano bino, panyuma ya kyokyo, mulume waikela ke tangi wangi, pakuuba mba ekale wakumutangila.

<sup>172</sup> Pano kyaikala kyapusanoko mu jino juba, mu jino juba jabujimbijimbi. Mukifulo mulume kwikala tangi wangi, mukazhi waikala ke lesa wangi. Kine, mukazhi umutangijila aye. Pano kapepo mwakonsha kumvwisha kyo Ng’ambapo. Kupichila mu buya wangi ne kutangijila bya kwilala, musango wamwekelo yanji wamupele Satana, kya kumufumya-kukilengwa kyaubile Satana, aye watumwa mu kujimbaika baana bakwa Lesa. Kabiji aye wakonsha kutwala bavula ku ngehena kukila kilwilo kiji kyonse Satana kyo aji nakyu. Abyo kine ibyo.

173 Amiwa mbena kwamba na byubilo byatama pa kino kimye, kechi anweba banyenga ne. Tusa kwimupa kifulo kyenu, kifulo kyaitabilwa, mu mamineti acheche, mu Kyambo kya Lesa monka muno. Kyajinga mu lunengezho lwa Lesa kufuma kuntende–kuntendekelo.

174 Pano kuuba kikye leelo, lesa wa United States yemuka? Anweba mwavuluka mu tabbanako myaka yapita kunyuma, Nasapwijile pa kyokyo? Aye lesa wa ano moba akatataka, inetu mucheche wamvawajilo yatama uji na bya-kwipeta, kabiji ndeleshi iji peulu ya manungo anji, ne bintu bikwabo bya byobya. Naambile mba, “Talai lesa wenu!” Kabiji abyo ibyo, aye utanwa pa byonse byakusulwisha, mwajilo ya kichika. Aye uji mu mukwakwa, musangotu umo.

175 Ke kingijisho kya kwa Satana, “kufuma ku ntendekelo,” Yesu wikyambile. Mwamona? Twamona pano mba byo kiji, kabiji “kufumatu ku ntendekelo,” kabiji ne byo Abena kwambapo.

176 Bino, batunshi ba mubikanga pa lesa, (mwikiyuka kyo nyi?) lesa wamukazhi. Kine byo baubile. Bamubikile pa lesa wamukazhi, mambo bajinga na byubilo bya bukende mu bupompweshi bwabo. Abo baamba mba, “Aye wajinga mulenga. Munda mwanji wasendele lukunwa kabiji ne kulenga.” Abo ke bubela. Kujitu Mulenga umo, ao ye Lesa. Bino mwavuluka Paulo kokwa? “Diana, waku Efisesa,” kipasha kya jibwe, waambile mba, “ye lesa wamukazhi wa Mwiulu, wakitaile panshi.” Bushe mwamona bupompweshi bwa butunshi byo buji nyi?

177 Kabiji atweba, kwakubula kwikiyuka, kyabwela jibiji ku bupompweshi bwa butunshi, ku banabakazhi, ke kilengwa kiji panshi peene panopantanda, kupompwela- mwanamukazhi! Aye wakonsha kumongola mwanamulume mu musango uji yense. Kabiji kwakubula kuyuka ne, bonsebwa buya buji pangye, aya ngehena iji mukachi. Solomoni waambile mba, “Aye, bizhilo byanji ke bizhilo bya ngehena.”

178 Pano twamona patoka kyaambile Yesu mu Lumwekesho, kyapitala kyabu 2 ne veeleshi wabu 15, kya lufunjisho lwa bena Nikola, kwiya kwa kyokya kipwilo kasa kifumya akyo kine ku Kyambo.

179 Kabiji twakonsha kumona papo, patokatu, byubilo byatama, byabula bulesa, mitanchi yatama yo tuji nayo pa televizhonyi, wa bakende bainamfumu ba mu Hollywood. Twakonsha kumona bubipisho bwa uno muzhi, nobe babo banyike, bansongwakazhi bakoma ba bacheche kasa bendauka kuku-ne-kuku mu mukwakwa, na bicheche, bimvwalo byakwata ku mubiji, na kuzhisha mubiji, bino kuji mashika abaya a kwipayang’ana. Abo kechi bayuka mba awa ye diabola uba kyokyo ne. Abo bakwatwa ku mupashi watama, kabiji kechi bikiyuka ne! Anweba kechi mwakonsha kumona kabwa kasa oba kyokyo ne, mwikimona nyi? Anweba kechi mwakonsha

kumona mukazhi mukwabo kasa oba kyokyo ne, kabiji kafwako mulume wakonsha kuya kwi aye ne, nangwa umo ne.

<sup>180</sup> Monai, pano mwatambula kipikichala? Tusakuletapo kintu kimo mu kakimye kacheche, inge Nkambo waswa.

Pano mwamona bena Nikola, mwamona lufunjisho lwabo.

<sup>181</sup> Anweba mwamona bainetu banyike-bakitwala, byo bebatela, abo benda mulekese mu mikwakwa. Bayanga na kutamba bimwesho byatama kuntu kumo, na kumona baji mulekese. Anweba nshikulaitu meso enu, monai mu mukwakwa, abyo byomwafwainwa kuuba pakino kimye. Bintu byonse ke mulekesetu. Kine. Kika kyo bekyubila byobyoy? Na lupata, kweseka, kyo kyonka kyo akonsha kwikyubila. Aye wikyuba mambo wa bubipisho. Aye wikyuba mambo walengwa kuuba byobyoy. Aye kechi ulanguluka mba ye kyombesha kiji mu kuboko kwa Satana ne, kabiji abyo byo aji.

<sup>182</sup> Nangwatu mu masukuulu etu leelo, babena kufunjisha byubilo bya bukende. Ntanda yetu ya onaika ya bupopweshi-bwa mwanamukazhi! Nayuka kechi bakeba kwitabila kyokyo ne. Baimana ne kwimba kyapasha nobe lwimbo, kabiji ne bikwobotu, mu jubatu jimo; ne kuya na banabakazhi, na kuzhokoloka nabo, bufuku bonse. Mwamona? Kijitu bulongo. Kimye ka, ku meso akwa Lesa, Kyambo, aye ye uji panshi peene mubanyama bonse Lesa bo abikile panopantanda. Talai.

<sup>183</sup> Oene mambo Lesa kyo amukanyisha kufunjisha Kyambo Kyanji. Abyo ibyo. Mutanshi Timoti 2:9-15, “Amiwa kechi naswa mwanamukazhi kufunjisha ne, nangwa kwikala na bukulumpe ne.” Mwamona? Kabiji ne Kolinda Mutanshi 14:34, “Lekai banabakazhi benu bekale bazhindama mu bipwilo, mambo kechi kyaswishwa abo kwamba ne, mambo bakambizhiwa kwikala bazhindama; mo monka mwaambila ne Mizhilo.” Pakuuba, leelo, kipwilo kyaubaka? Bamubika kwikala kafunga, basapwishi, bino Baibolo kasa ekikanya. Kabiji Baibolo waamba mba, “mo mwaambila ne Mizhilo,” pakuuba mba kitwajijiletu na kuya kulutwe, kintu kyonse.

<sup>184</sup> Nobo byonka byajinga Mwanamukoko, bufuku bwapita, kyo kyonka kifulo kyabupompweshi, mushi ya Mashi aichikile a Mwanamukoko. Kyo kyonka kifulo leelo, mwi Kilishitu. Jishindatu ja kwikyubilamo ke kwiya kwi Aye. Akyo kyo kyonka kifulo kyabupompweshi. Kimye kyonse kyajingatu byonkabyo. Kifulotu kimo kyabupompweshi ke mushi ya Mashi aichika.

<sup>185</sup> Nanchi pano twamona kipikichala kyonse ke kisoloke kwi atweba. Abyo byo aji. Oene mambo Lesa kechi wakonsha kumuswisha kufunjisha ne, kechi wakonsha kumuswisha kuubapo kintu kimo mu kipwilo ne kana kwikala wazhindama na kilungi kyamvwetwa.

186 Pano mwakonsha kumona ene mambo kyo Ng'ambila bintu kabiji ne kuuba byonse byo Nauba, byo nayuka byonse bye mu muchima wami, mulongo, banyenga? Amiwa nayuka, banyenga, Amiwa... obewa uji na kifulo kyobe (pakimyetu kicheche), kabiji byubilo byawama Lesa byo akonsha kulenga mwi obewa. Bino Amiwa mbena kwesekatu kwamba ku lubaji lukwabo, kumweshwa ko mwafumina, "kuntendekelo." Yesu witubuujile mba "kubwela ku ntendekelo," pakuuba mba be kimone. Abyo byo tubena kuuba.

187 Pano Naeseka kwambila patu palepa pa bintu byavula bya bibye, kabiji Naketekela mba mwikyumvwa. Kabiji anweba bantu mukatelekanga ku iye tepu, Naketekela mba mwaumvwa. Anweba bwelaitu kunyuma. Kyaikalatu kya kumweshwa mba Yesu waambile mba, "Bwelai kunyuma, kufuma kuntendekelo, kabiji mwikitane." Bintu byonse, bwelai ku ntendekelo. Mwakonsha kumona, leelo.

188 Kika, bantu, baamba mba Amiwa nashikwa-banabakazhi. Akyo kiji kwalepa na Bukine. Amiwa kechi ne kyuba ne. Batela mba, "Washikwa-banabakazhi." Vulukai, bamutelele Paulo mba mushikwe-wabanabakazhi. Musapwishi mwanamukazhi, kechi papita kimye kyabaya ne, waambile mba, "Oo, obewa ujitu pamo nobe Paulo wakala, byonse byo aubanga kusalapotu atweba banabakazhi."

189 Wazhila wa Lesa, ao waswishiwe kunemba Baibolo, Lulayang'ano Lupya, wapachika Byambo byanji? Aye waambile mba, "Inge Malaika wafuma Mwiulu wafunjisha kitu kikwabo kyapusanako na Kikye kyo Naamba, mulekai Ekale wafingwa mafingo," pano ibyepi mwanamukazhi musapwishi.

190 Baambile mba Elaija wajinga mushikwe-wamwanamukazhi. Aye kechi wajinga mushikwe-wa mwanamukazhi ne, mwanamukazhi wakine. Aye kechi wibatemenwe ba Yezebeli ne.

191 Kabiji inge abyo byokiji, nanchi Lesa wafwainwa kwikalatu musango umo, mambo Aye ye Kyambo kyaishile kuba ngauzhi. Nanchi kyafwainwa kwikala Lesa, mu musangotu umo, nanchi, mwamona, Aye wayuka bilengwa biine bitanshi, "kufuma kuntendekelo," Aye waambile mba, "kufuma kuntendekelo." Bajinga bangauzhi ko kwaishile Kyambo.

192 Kabiji Aye wamulegejile mwanamulume, kabiji kechi mwanamulume kulengelwa aye ne. Bushe mwayuka kyokyo, mba, "Mwanamukazhi walengejilwe mwanamulume, kabiji kechi mwanamulume kwikala wa wamwanamukazhi ne"? Baanga bayuka kyokyo? Aye Baibolo wafunjisha kyokyo. Kijitu bulongo. Aye wampewe kifulo mu mwanamulume, kupona kasa kukyanye kwikalako, waesekejiletu pamo na bilengwa byonse. Bino "panyuma" ya kupona, pano po twaleta yuwe mutwe. Bino "panyuma" ya kupona, waikele ke tangi wanji, aye wafwainwa



kwikala wazhindama mu bintu byonse, panyuma ya kulengwa kutanshi kwapita.

<sup>193</sup> Yesu waambile mba, “Kechi kyajinga byoabyo kufumatu ne kuntendekelo ne.” Apa kimye po kyatatwile, kimye Lesa po ekilengele patanshi mukulenga Kwanji kutanshi. Bonse baumvwa, ambai mba “amena” ne jikwabo. [Kipwilo kyaamba mba, “Amena.”—Waku.] Mu ntendekelo Lesa walengele mulume umo kabiji ne mukazhi umo. Pakuuba mwanamukazhi walengelwe wapusanako kufuma ku banyama, banyama bonse bakwabo, mambo akujimbaika. Pano monai, “Kechi kyajinga byoabyo kufumatu ne kuntendekelo ne.” Aye walengelwe, inge waikajile muyewa musango mutanshi, aye inge kechi wapone ne. Pakuuba aye ye walengejile kupona kabiji ne konauna kutwajijila kwa mutanchi wa kwa Lesa, kabiji ne kuleta lufu, bulanda, ne byonse byashala, panopantanda. Aye walengejilwe yekawe musango.

<sup>194</sup> Pano monai. Pano, *panyuma* ya ntendekelo, *panyuma* ya ntedekelo, *panyuma* ya kutendeka kwa kimye; kunyuma kokwa, kyajinga Peenape, kyapwile. Monai, panyuma ya kokwa kwaletele Eva, panyuma ya kupona, kwakebele kwikajikwa kwa lulayang’ano lukwabo. Bino kikye kisa kwimututwisha, bino Nsakwimupa Kinembelo mushinikishe mba akye kya Bukine. Pano monai panyuma ya kupona, Yesu waambile mba . . . Lesa, kuntendekelo, walengele musango umo; bino pano, panyuma ya kupona, pano tubena kuya kukila pa kyokyo. Lulayang’ano lwajinga lwaesakana-pamo; bino pano, panyuma ya kupona, kuji lulayang’ano lukwabo lwalengelwe. Pano mukazhi kechi watwajijile kwikala ntangi ne, kimo kimo kyafwainwa kwikala na lulayang’ano lwapusanako.

<sup>195</sup> Pano twayai tumone kana akyo kijitu bulongo. Twayai tutole Ntendekelo 3, kabiji mutane kana akye kiji bulongo, pano byo tubena kuya kulutwe, mambo twakeba kushinikisha bibye bintu, amba byafunjishiwa ne kuletwa monka mu bukine. Nanchi kapepo ponkapano potuji na kimye kicheche, mambo kechi tuji kwalepa na kupwisha ne, pakuuba mba tufike kumpelo ya yuwe mutwe, tumweshe kine kintu *kika* kabiji *kyepi* na mambo a kwikana, kabiji ne bikwabotu. Pano mu Ntendekelo kyapitala kyabu 3, kabiji tusakutapila pa veeleshi wabu 3, kabiji ne veeleshi wa bu 16. Twayai tutatwile pa veeleshi wabu 14.

*Kabiji aye NKAMBO . . . waambile ku muloolo, (pano Aye ubena kumufinga), Mambo obewa wa—wauba kikye, wafingwa mafingo kukila pa banyama, . . . kukila pa bilengwa byonse bikalaba panshi; kabiji munda mobe obewa mo ukendelanga, kabiji maloba akekala ke kajo kobe moba obe onse a bumi:*

*Kabiji Nkabika bulwanyu pakachi kenu ne mwanamukazhi, kabiji pakachi ka lukunwa obe ne*

lukunwa wa *mwanamukazhi*; kabiji *ukafumpa mutwe obe, ne obewa ukafumpa kashiko kanji*. (Mulaye, “ubena kupichila mu mwanamukazhi,” aye Mesiya, pakuuba mba ebakuule.)

*Ku mwanamukazhi wamwambijile mba, . . .*

<sup>196</sup> Pano talai, pano alo lo lulayang’ano na muloolo. Akyo, bonse bajingatu bulongo kasa kikyanye kubiwa, kuntendekelo, nangwa ntendekelo kasa ikyangye kwikalako ne.

*Ku mwanamukazhi wa mwambijile mba, Nkavuzha misongo yobe mu kwimita kobe; kabiji mu misongo imo mo ukasemenanga baana; kabiji kukabila kobe kukekala ku mulume obe, kabiji aye ukakutangijila obewa, (Pano kechi baji-pamo ne.)*

<sup>197</sup> Pano aye waaluluka, kabiji aye ye tangi.

*Kabiji wamwambijile Adama mba, Mambo obewa wajikumvwina jwi ja mukazhobe, ne kuja ku kichi, kyo Nakuzhijikile, namba, Obewa kujako . . . ne: mushiji ekale wafingwa (kechi Adama wafingwa, pano ne) mushiji ekale wafingwa na mambo a obewa; mu kwingila mingilo yakosa mo mo ukajilanga kajo moba onse a bumi bobe;*

*Mushiji . . . ukakumeneshesha miba ne nseku; ne kuja ukajanga kajo ka mu majimi;*

*Kabiji monka mu jisulwila ja mu kilungi kyobe mo ukamwenga kajo kobe, poso obewa wabwela ku mushiji jibiji; mambo ku mushiji ko—ko bakufumishe: kabiji obewa wi lukungu, ne ku lukungu ko ukabwela.*

<sup>198</sup> Lulayang’ano lubiji. Pano akyo kyashika “ntendekelo,” ya kyaambilepo Yesu amba, “Kechi kyajinga byobyoby ne kufumatu ku ntendekelo.” Tuji na lulayang’ano lukwabo pano. Monai, ke lulayang’ano lukwabo. Pano kuji lulayang’ano lwa kilengwa, kabiji ne lwa ye bafumya-ku kilengwa. Monai, kupona kwaletele lukatazho, lufu, ku kilengwa kyonse kyalengelwe, kuleta kyapusanako mu bilengwa na lesa byonse. Pano twayai tumone byaambile Yesu pa kikyey, “kufumatu ku ntendekelo kechi byokyajinga ne.” Pano kechi kiji byobyoby ne “kufuma,” ne pano kiji “panyuma” ya ntendekelo. Pano kuji lulayang’ano lubiji.

<sup>199</sup> Kitanshi kyajingatu lulayang’ano, Adama ne Eva bajingatu-pamo, mwanamulume umo ne mwanamukazhi umo. Pano mwanamukazhi walengele mambo, kabiji (wauBILE ka?) akyo kibataile bonse mu lufu, kabiji Lesa walengele lulayang’ano ku kyokyo, lulayang’ano lukwabo. Akye kiji monka mu Ntendekelo 3:16, Aye walengele lulayang’ano lukwabo.

<sup>200</sup> Pano ntanda ikayuzhiwa, kechi na mutanchi mutanshi wa kulengwa kwa Lesa ne, nobe byo kyajinga mu ntendekelo, kechi mwaila bilengwa bitanshi kulengwa ne, kana na mambo

a bukende. Pano akyo kilamawizha ku “ntendekelo,” kechi ibyo nenyi? Mu ntendekelo mwajingatu mwanamulume umu ne mwanamukazhi umu, mulume umu ne mukazhi umu; pakuuba byo a kilang’anye awa mulaini ne kuleta bubwe bubu, pano ntanda ikayuzhiwa jibiji, na bukende, kechi mwaila kulengwa ne; na bukende. Mwamona paji mwanamukazhi kino kimye nyi? Pano, bino jo jishinda ja kuyuzhizhamo ntanda leelo, kupichila mu banabakazhi.

<sup>201</sup> Ao oene mambo Yesu kyo afumijile mu mwanamukazhi, pakuuba mba kiletwe ku ntendekelo itanshi jibiji, kwakubula nkebelo ya bukende. Aye wasemwa ku kisungu. Bino, aleluya, kukekala kimye po kikabula kwikala jibiji bukende, bino Lesa uketa baana Banji kufuma ku lukungu lwa pantanda, kubwela nobe byonka byo bajinga mu mukitanshi, kechi kupichila mu mwanamukazhi uji yense ne; pakuuba kupichila mu kubumba kwa buchimba ne byeya, kabiji ne mafuta, Aye ukalenga jibiji nobe byonka byo Aubile Adama pa kimye kitanshi. Yesu wikyubile kikyeye, kupichila mwi Lesa pa kwilenga Ayemwine kwikala Muntu kabiji ne kwiya mu ntanda pakuuba mba Aye afwe, kupichila mu yuwe mwanamukazhi. Pano ke kimye kya kweseka, kupichila mu bubu.

<sup>202</sup> Pano mwamona nanchi, “panyuma” ya ntendekelo, kyajinga kintu kingi kyaletelwemo. Pano kikyeye kisa kwi mulengela kukumya. Mwakokanyi? [Kipwilo kyaamba mba, “Ine.”—Waku.] Anweba ngikalaiko kimye kyabayako.

<sup>203</sup> Pano lulayang’ano lubiji byo lwalengelwe ku mwanamulume ne ku mwanamukazhi, kupichila mu bukende, lulayang’ano lukwabo ne alo (kechi lulayang’ano lutanshi ne, pakuuba ke lulayang’ano lukwabo), pano lo lwaletwa? Paji, mu byonse. Nanchi, panyuma ya ntendekelo, paji ya letelwe konse ku muntu ne banyama; panyuma ya ntendekelo, kupona. Lesa pano, mu kyabubiji, wabikako kitemwa kikwabo jibiji, monka mu bukende. Lesa walengele bitanshi kwakubula bukende. Mwaketekela kyokyo nyi? Pano ke lulayang’ano lukwabo luji na kitemwa, Aye wi kibika mu ndonda ikwabo, kupichila mu bukende. Lulayang’ano lwa bubiji: mulume umu, bakazhi bavula; kabazhi mulume umu, mutema yense wa bakazhi. Abyo ibyo nyi? Mulume ng’ombe umu, mutema yense wa bang’ombe bakazhi, bakazhi bang’ombe; shikombwe umu, kisamba kya byaje. Abyo ibyo nyi? Umu Davida, wa pa muchima Wanji Mwine, na bakazhi faivi aduleendi; na baana aduleendi basemwa kwi aye, mu mwaka umu, banabakazhi bapusanapusanana, um-hum, mwanamulume wa pa muchima Wanji Lesa. Umu Solomoni, na bakazhi sauzande. Bino monai pano, kechi kyajinga byobyo ne ku ntendekelo, pakuuba pano kiji “panyuma” ya ku ntendeka. Mwanamukazhi ye wauba kikyeye, nanchi waikalatu musango yenka ye ajimo. Mwamona?

204 Davida, mfumu wajinga kipasha kya kwa Kilishitu! Lamai kyokyo mu milanguluko yenu. Davida wajinga kipasha kya Kilishitu. Mwaketekela kyokyo nyi? Kilishitu waikala... ukekala pa jitanda janji. Kabiji awe Davida, muntu wa pa muchima Wanji Lesa, wajinga na bakazhi faivi aduleendi. Mwamona Moombena kutazha nyi? Davida na bakazhi faivi aduleendi, Solomoni na banji sauzande umo. Kabiji Solomoni ye mwaana wakwa Davida, ku mubiji; ao wimenako Yesu Kilishitu, aye Mwaana wa kwa Davida, mu bumupashi. Pakuuba ako ke ku mubiji, bumi bwa bukende. Akye kisakwikala kya bumupashi, kyalengwa, kika, kyalengwa. Mwamona? Ao ye musango mo kyaikajile ku ntendekelo, bino kechi kino kimye mu buno bumi botwikalamo ne.

205 Monai, pano kechi mukankalwe kikye ne, kisendai kyonse mu michima yenu. Bino kafwako nangwa umo wa baabo banabakazhi wakonsha kwikala na wakila pa umo mulume ne. Aye ye wa mu bilengwa bitanshi, kechi aye ne. Kafwako nangwa umo wa baabo banabakazhi wakonsha kwikala na mulume wakila pa umo ne, bino awa umo mulume wakonsha kwikala na bakazhi sauzande umo. Kokuba mba ABYO BYOBYAAMBA AYE NKAMBO. Ao ye Baibolo. Pano Nabwela kunyuma, nasenda kimye kyami ne kwi mumweshwa kunyuma kokwa ko k yatapijile, byaambile Yesu. Pano mwikimweshatu bulongo? Bakonsha kwikala na bavula . . .

206 “Oo,” mwaamba mba, “akyo kyajingatu kya Isalela.” Byo kiji nyi?

207 Kimye Abulahama kyo atwajile Sala ku kyaalo kya Filisitiya, akwa kyajinga mfumu watelelwe mba Abimeleki. Kabiji Sala wajinga na myaka aduleendi, pakyokya kimye, bino waalwilwe kubwela ku mwanamukazhi mwanyike kabiji walengelwe walamba. Bushe mwayuka kyokyo nyi? [Kipwilo kyaamba mba, “Amena.”—Waku.] Kijitu bulongo. Kabiji Abimeleki wamukebele mba ekale mukazhi. Anweba mwavuluka Mbila yami pa kyokyo? Abimeleki wakebelenga kusenda Sala ke mukazhi. Kapepo wajinga na manzubo a kwikalamo bakambwe, bino kechi wakonsheshe ku musenda ne byo asongwelwe kwi Abulahama. Nanchi Abulahama waambile kwi Sala mba, “Wambe obewa mba, ‘mulongo wami,’ mambo aye usa kungipaya pakuuba mba akusende.” Kika kyo abujile ku mupanga Abulahama kufuma mu kyaalo, ne kusenda mukazhi wanji ne kuya? Awa muzhilo kechi wajingatu ku baitabila ne, pakuuba ku bantu bonse balengwa. Ndengamambo nangwa wazhila, obewa uji na mwingilo, muntu, mambo abibye byubilo. Kwajinga mfumu mutushi. Baanga bayuka jije jishimikila mba ja kine? [“Amena.”] Ke Baibolo, Ntendekelo, pepi nobe kyapitala kyabu 16, byo Nalanguuluka.

208 Anweba monai, Abimeleki wafwaijilwe ku musenda ekale ke mukazhi. Aye winengezhe mwine mba ekale na yuwe

nsongwakazhi mu Hebelu. Kabiji aye waambile mba, “Awe ye. . .” Waambile mba, “Awa ke mulongo wami.”

Aye waambile mba, “Awa ke nyenga yami.”

209 Kabiji Abimeleki waambile mba, “Amiwa sa kumusendatu ke mukazhi.” Angi langulukai muntu kuuba kintu kya yewa musango? Bino wikyubile.

210 Kabiji abwa bufuku, byo aile nakulala, aye Nkambo wamwekele kwi aye mukiloto, ne kwaamba mba, “Abimeleki, ujitu pamo nobe muntu wafwa.” Aye wapainenga bukikizhi ku kyokya, awa musango wa mashi a bu Yudeya, mwikimona. Aye waambile mba, “Obewa ujitu pamo nobe muntu wafwa. Obewa uji na muka muntu ye ubena kukeba kusongola.”

211 Aye waambile mba, “Nkambo, Anweba mwayuka nkebelo ya muchima wami.” Waambile mba, “Bushe kechi wajikumbula mba ‘mulongo’? Bushe aye mwine kechi wajikwamba mba, ‘Awa nyenga yami’?”

212 Aye waambile mba, “Nayuka bukishika bwa mu muchima obe, oene mambo o Nakonsha kubula kuswisha obewa kulenga mambo kwi Amiwa.” Abyo ibyo nyi? Waambile mba, “Mubwezhe mukazhi wanji, mambo awa muntu ke ngauzhi Wami. Kabiji kanatu umubwezhe mukazhi waji. . . Kabiji uleke aye akulombelele, kechi pulisiti wenu ne. Inge kechi wakonsha kukulombelele ne, kyaalo kyobe kyonse kyaya.” Amena. Alwa ke lusa lwakukumya. Ibyo. “Kyaalo kyobe kyonse kyaya. Awa ke mukazhi wa mwine, kabiji ye ngauzhi Wami.” Amena. Kokuba mba **ABYO BYOBYAAMBA AYE NKAMBO**. Akyo kyo Kinembelo. Ibyo.

213 Pano twatana mba, lufu lwafumine. Lufu ke kintu kya bubi bwa mwanamukazhi, kwiya kupita mu mwanamukazhi kabiji kechi mwanamulume ne. Pakuuba mujishinda ja bwikalo bwanji, kabiji kupichila mwi aye, lufu lonse mo lwaishila. Jishinda janji ja kupana bumi ke lufu. Baanga bayuka kyokyo? Yoba 14, inge mubena kukeba kunemba Kinembelo.

214 Amiwa jina, inge muji na jipuzho pa kikye, Njina Binembelo byanembwa pa kikye.

215 Inge mubena kukeba kutanga Yoba 14 popo, Kyaamba mba, “Muntu wasemwa ku mwanamukazhi ye moba acheche, ne oo oa makatazhotu.” Abyo ibyo nyi? “Aye wiya nobe jiluba, uchibiwa, kabiji wauma,” ne bikwabotu. Mwamona? Muntu yense wasemwa ku mwanamukazhi, wasemekelwa mu lufu aku wiyatu.

216 Bino inge wasemwa mu kilengwa kya kwa Lesa, aye kechi wakonsha kufwa ne; aye wafuma ku Kichi kikwabo kyajinga mu bujimi bwa Edena, Kilishitu. Bumi bwa Peenape bwiya na Kichi.

217 “Oo,” mwaamba mba, “wajinga kichi?” Kine. “Kyawama, baambile mba, ‘Obewa kechi ukajako ku kikye kichi ne.’ Lesa waambile, mu Ntendekelo kunyuma kokwa, ‘Obewa kechi ukajeko ku kikye kichi ne.’”

218 Kyawama, mwanamukazhi kyo kichi. Aye ye kichi kya kipangwa. Obewa wi kipangwa kya bainobe. Kipangwa kya jivumo ye obewa. Abyo ibyo. Kabiji nanchi kipangwa kya ku Kichi kya Bumi, kyajinga mu bujimi bwa Edena, ye Kilishitu. Kupichila mu mwanamukazhi mo mwaishijile lufu; kupichila mu Mwanamulume, mu kulengwa kutanshi, mwaishile Bumi. Kusemwa ku mwanamukazhi ke lufu; kusemwa kwi Kilishitu ke Bumi. Ikali na bobo buyuke? Apo ipo. Pano mwamona kwaile balesa banabakazhi, kechi mwayuka nenyi?

219 Mutanshi Adama ne Eva byaji kipasha kya kwa Adama wa kibiji ne Eva, monai, ke kuvuzha. Pano kuvuzha kwa Adama ne Eva kwajinga kwa kupichila mu bukende, mu kuyuzha ntanda, bino kechi kyajinga byobyoyo ne ku ntendekelo. Lesa walengeletu mulume umo kabiji ne mukazhi umo, nobe byo Alengele bilengwa Byanji bikwabo, mwamona, byaitabilwa, pamotu nobe Kipwilo.

220 Pano twayai, kasa tubena kutala ku bibye Bishika bya Lesa byasololwa, kebakabai palutwe pacheche, inge mubena kukeba. [Kipwilo kyaamba mba, “Amena.”—Waku.] Kijitu bulongo. Pano akye kyakonsha kuko Zhang’ana pacheche poso twafika ne panshi pene pakikye, bino Amiwa mbena kwi mumweshatu anweba Bukine bwa kikye.

221 Kechi kujipo wa mwingilo wakonsha kusongola kituzhi ne. Bushe mwayuka kyokyo nyi? Mukeba kutanga kyokyo nyi? Kijitu bulongo, inge mwafika mubena Levi, mu Benalevi 21:7 ne Ezikyo 44:22, kabiji Kimumweshwa anweba kuuba mba ba bung’anga kechi bafwainwa kusongola mwanamukazhi ye bakwatapo ku mwanamulume ne. Akye kipasha ke kya kisungu wa Musongwa wa Yesu Kilishitu, mambo bakwatanga ku Mujilo wa Lesa, bang’anga byo baubanga, baana bakwa Alona. Kechi tuji na kimye kya Kwibitanga byonse ne, kabiji ne kufumamo mute ne, tuji na mamineti tweti ashalako. Kabiji abo ke baana bakwa Alona bobakwatanga ku—ku Mujilo wa Lesa, nanchi abo kechi bakonsheshe kusongola mwanamukazhi ao wakwachilwepo ku mwanamulume mukwabo ne. Aye Lesa ubula kwaluka ye waambile byobyoyo. Abo kechi bakonsha kusongola mwanamukazhi mukwabo ne, kabiji ne mwanamukazhi wa kwatwapo ku mwanamulume ne, kumweshwa mu kipasha papo, inge mubena kukeba kwikimona, amba Kipwilo kya Lesa mumi ke kyang’anga, kyabula kumvwangakana, Kyambo kya Lesa, kabiji kechi dinominesheni wa kwatwapo na muntu ne.

222 Talai, twayai tutange kikye papo. Nasaka kufikizha bibye kwi anweba. Mateyo 5, Yesu waambilepo kintu kimo kyanema bingi. Tubena kukeba kwi kimona, Mateyo 5. Nanemba pami. . .

223 Nanji kubika kayukilo pa bintu byo Nsawkamba pa mwanamulume, nanchi najinga na kimye kicheche kya kwibyamba ku banyenga yetu. Bino Nasaka ku—kulupuka kasa tukyangye. . .

224 Pano, nyenga, Nasaka kukubika pakifulo apo Kyambo kya Lesa po kyakulaile, kabiji mumone kuuba mba mwaikala pa kifulo, ne apo.

225 Mateyo 5:32. Nasaka namba mumone papo, pa kuuba mba kipane bukwasho bwa mulangulukoko wa “umo” kabiji “ne bavula.” Mateyo, sate- . . . Naketekela mba Mateo 5:32, kutatwila pa 31.

*Kya aambiwa mba, Yense wa kumukana mukazhaji, amupe nkalata ya kwikana:*

226 Ao ye Yesu ubena kwamba, Yenka waambile mba, “kufuma ku ntendekelo.” Pano monai.

*Bino Amiwa nemwambila, Namba yense wa kumukana mukazhi, kana . . . na mambo a bulalalale, wa mulengela kuuba bukende; . . . (monai) wa kumukana mukazhi, kana . . . na mambo a bulalalale, wa mulengela kuuba bukende: (Kika? Ukasongolwa jibiji.) kabiji yense wa kumusongola ye bakana walenga nanji bukende.*

227 Monai, aye mulume wanji ukiji mumi, nanchi kafwako mwanamulume nangwa umo wakonsha kumusongola ne. Natako muchima ku byo oba ne nangwa ekale ye ng’anyi, mulume wanji ukiji mumi, kechi kujipo lubaji lwanji nangwa pachechetu ne. Bino, kechi, kyanji ne. “Wamulengela,” kechi aye ne. Mwikyumvwa nyi? Mwafwainwa kuuba Kyambo kyaikala kyatwajijila. Monai, kafwako kibena kwamba mba kechi wakonsha ne, bino kechi wakonsha ne. Monai, “wamulengela,” kechi aye ne. Abyo ibyo byaamba Baibolo, “wamulengela.” Kechi kyaambiwa namambo aye kusongola jibiji ne, pakuuba “mukazhi.” Kika? Kilishitu mu kipasha.

228 Monai, kyaambiwa mba kechi wakonsha kusongolwa ne, kanatu kisungu. Mulume wakonsha kusongola. Aye wakonsha kuso- . . . aye wakonsha kusongola jibiji inge kisungu, bino kuuba wasongola mukazhi wa mukwabo ne. Ine kyakine. Kabiji umvwe wasongola mwanamukazhi yebakana, aye ubena kwikala mu bukende, Amiwa kechi natako muchima nangwa ekale ng’anyi ne. Aye Baibolo waamba mba, “Yense wa kumusongola ye bakana, uji mu bukende.” Abyo byokiji, kechi bya kwikana ne.

229 Monai kine kituntulu kunyuma kokwa, “kufuma kuntendekelo,” pano? Kusongolwa jibiji, pano monai, aye

wakonsha, bino mukazhi kechi wakonsha ne. Nobe Davida, nobe Solomoni, nobe kutwajijila kwa Baibolo yense, pano, pamotu nobe Davida kabiji ne bonse bashala.

<sup>230</sup> Pano monai mu Kolinda Mutanshi 7:10, talai, Paulo wakambizha mukazhi, wa abana na mulume wanji, wafwainwa kwikala buzhike inge ne abwele ku mwata wanji, kechi asongolwe jibiji ne. Aye wafwainwa kwikala buzhike, inge ne abwele ku mwata wanji. Aye kechi wafwainwa kusongolwa jibiji ne. Aye wafwainwa kwikala buzhike, bino, monai, aye kechi waambilepo pa mwanamulume ne. Mwamona, kuuba walengela Kyambo kyaamba bubela ne. “Kufuma kuntendekelo,” muzhilo wa masongola na paji. Pano, Kyambo kya Lesa kyendelatu pamo na masungu wa Lesa, kyenda na kutwajijila.

<sup>231</sup> Monai kuji sukuulu umo waya ku musela, kabiii mukwabo waya ku muzhika, pa kikye? Mwafwainwa kubwela ku Bukine, pakuuba mba muyuke byokiji.

<sup>232</sup> Kimye kyonse kikala byonkabyo, alo lo luyang’ano lwa Lesa lwa kimye kyonse kufumatu kuntendekelo. *Kitanshi*, ntendekelo kasa ikyangwe kwikalako, kufuma kuntendekelo kwajingatu umo umo. *Panyuma* bubi byo bwaishile, nanchi kwaikela mwanamulume umo ne jibumba ja banabakazhi; kyaikala muyeo musango mu bilengwa na lesa, ne nyama yense, ne bantu kabiji washala mu bututulu ke nyama. Atweba twi banyama bakyuya, twayuka kyokyo, atweba bonse, monai, kabiji byonse ke bilengwa bya Lesa bibena kutwajijila.

<sup>233</sup> Pano bino Tutetesho byo twashikulwa, Mupashi wa Bukine witutangijila ku Kyambo. Akyo kilondolola ene mambo byonse bilubo kyo bya mwekela mu mankulo, ke mambo a kuuba mba Tutetesho kechi twashikwilwe ne, Akye kechi kyasolwelwe ne. Kyakine.

<sup>234</sup> Monai, anweba, kuuba mwalengela bivule kukakalwa ne. Nobe byo Najikusapwila bufuku bwapita pa bivule bitanwa panshi, kyafwainwa kumweka bulongo. Kwakonsha kwikala byepi kivule kya nzovu panshi, kabiji ne mucheche, muntu wanyama waiaya ku nzovu, nangwa nzovu ku mucheche, muntu wanyana?

<sup>235</sup> Pano inge mwakonsha kwikimona mu kipasha kyalumbuluka.

<sup>236</sup> Bino, kuji mwanamukazhi wakine, mwanamukazhi wakine, kisungu, usongola mwata wanji, kabiji waikala, kabiji aye ke wapeshiwa ku mwanamulume. Inge Lesa wakonsha kupana ku mwaana Wanji kintu kyawama kyakila pa mukazhi, Aye wafwajilwe kupana kyokyo kwi aye.

<sup>237</sup> Bino wamukazhi walengelwe kwikala wa byubilo bya kwilaala, kabiji kafwako nyama mukwabo walengelwe byobya ne. Kafwako kilengwa kikwabo panopantanda kyalengwa byoyo



ne. Ao oene mambo kyo mumwena paji, ke mambo akyokyo. Akyo kyo kyaletetele byobyoyo.

<sup>238</sup> Pano talai, mu ndonda yapelako, talai, kuji Yesu Kilishitu umo (abyo ibyo nyi?), Mwanamulume umo, Lesa, Emanwele. Mwaketekela kyokyo nyi? Pakuuba ba membala ba Mukazhi Wanji bavula, monai, biumbi biye biumbi bya biumbi (abyo ibyo nyi?), Mukazhi Wanji, aye Musongwa, Kipwilo. Pano mwaumvwa nyi?

<sup>239</sup> Oene mambo kyo Aambijile kwi Adama mba, kulaalang'ana kasa kukyangye kuletwa nangwa kuletwamone, "Semainga, ne kuyuzha ntanda," aye kasa akijitu muntendekelo, kasa akijitu byonse bibiji mulume ne mukazhi mwi aye mwine. Apo, kimweshwa mba Musongwa wafwainwa kufuma mu Kyambo, kupichila mu kuvuzha kwa bumupashi, kuvuzhiwa, monai, kuyuzha ntanda.

<sup>240</sup> Pano mu byubilo bya kwilaala, monai, masukuulu aji na bintu bibiji byamvwangakana. Onkao mambo kuuba mwikyuba ne, mwafwainwa kwikibwezha ku Bukine bwa kikyeye, "muntendekelo."

<sup>241</sup> Kabiji ku mpelo kukekalatu umo Nkambo Yesu, kabiji Musongwa Wanji wavula, kimo. Mwikyumvwa nyi? Kwajinga Davida umo pa jintanda jimo, mfumu umo (wa pa muchima wakwa Lesa) na bakazhi faivi aduleendi. Yesu waikala pa Jitanda Janji (Aleluya!) mu Myaka kiumbi kimo, na Mukazhi; nobe byo kyajinga muntendekelo, wabumbilwe kufuma ku maloba, na kuboko kwa Lesa Wabulume bonse, mulusanguko, lwa bamembala bavula. Abyo byokiji.

<sup>242</sup> Banabakazhi, balwisha kwikala byobyoyo, kwiya mwi Kilishitu, pano kechi uji mu byobyoyo byubilo byatama ne. Bino kikulutu obewa wi membela wa kipwilo ubena kweseka kwikala na byubilo byawama, obewa mwine, kechi wakonsha kwikyuba ne. Nangwatu mwanamulume kechi wakonsha kwikyuba pangye ya Kilishitu ne. Nobe byonka byaambile Paulo mba, "Pano, mwi Kilishitu, kechi kuji mwanamulume nangwa mwanamukazhi ne." Bonse bajitu pamo.

<sup>243</sup> Pakuuba mba muyuke *Masongola Ne Kwikana* mo kyalumbulukila, pakuuba mba muyuke kyepi kyalumbulukila kabiji kyepi kyatama, papo Aye wamweshwa patoka mu bibye bipasha. Kuji Kilishitu umo, kabiji bamembala bavula bayewa Mukazhi. Monai, Aye wakonsha kwitukana namambo a bulalalale bwa kumupashi kabiji ne lufunjisho lwatama, kimye kyonse kyo Asaka; bino obewa kechi wakonsha kumukana Aye, kabiji waikala bulongo nyi? Mwanamulume wakonsha kukana mukazhi wanji kabiji wakasongola ne mukwabo; pakuuba mwanamukazhi kechi wakonsha kukana mulume wanji ne kusongola mukwabo ne. Monai byonse bivule ne bipasha bya esakanatu pamo? Monai bilengwa byalengelwe

mu bitanshi; kechi byafumine ku-bilengwa ne. Kechi kipwilo ne; aye Musongwa kupichila mu Kyambo. Kechi mwanamukazhi ne; mwanamulume, kimye kyonse. Ao oene mambo kyo kyabujila kwambapo kintu kimo pa mwanamulume inge wikyuba ne; kimye kana mwanamukazhi. Abyo kine ibyo.

<sup>244</sup> Bino wakonsha kwikala Musongwa wa Kilishitu, pa kwikala... Kabiji buvulukai, aye byo aji ku lubaji lwa mwanamulume, Baibolo waamba mba wako... "Nangwatu byonkabyo Amiwa kechi naswa mwanamukazhi kufunjisha ne, nangwa kwikala na bukulupe ne, kana kwikala wazhindama. Mambo Adama waji mutanshi kulengwa, bino apa ke Eva. Kabiji Adama kechi wajimbaikilwe ne, kana wafumine-kukilengwa ye wajimbaikilwe. Nangwa byonkabyo ukapuluka *inge* waikala mu buzhile ne butekanye, kabiji ne kusema baana, kabiji ne byonse byo," mambo pano wikala lubaji lwa yuwe mwanamulume. Akyo kyo kileta. . .

<sup>245</sup> Kika Abulahama... Kika Lesa kyo abujile kwipaya Sala byo aikele popa, wakainenga, ne kubepa bubela ku meso akwa Lesa? Waikele popa nobe Muntu mu mubiji, ne kuja nyama, kuja shinkwa, kutoma mukaka, kabiji Aye waambile mba, "Kika Sala kyo asekela kunyuma kokwa," kunyuma Yanji, mu tente, Aye kechi wamumwenepo kala ne, "kwaamba mba, 'Abye bintu bya konsha kwikala byepi?'"

<sup>246</sup> Aye waambile mba, "Amiwa kechi ne kyamba ne!" Oo, ooh, ami! Kumubuula Lesa mba Wabubela, pameso Anji? Bino Aye kechi wakonsha kumusenda ne. Kika? Aye ke lubaji lwa kwa Abulahama. Amena. Aye kuuba wamukozha kwakubula kukozha Abulahama ne.

<sup>247</sup> Pano anweba banabakazhi monai pa kifulo kyenu. Kabiji Baibolo waamba, "Anweba banabakazhi ikalai byonka byajinga Sala, awo wamvwajile byakuvwala bya mushingi, waikele wakishika ne bukine ku mwata wanji, wamutemenwe bingi. . . wamutelele mba 'nkambo,'" tangi, kalama wanji.

<sup>248</sup> Kabiji anweba, bamo banabakazhi, bamvwala byakuvwala byatama kabiji ne kuya na kwimwesa aye mwine ku mwanamulume. Yesu waambile mba, "Yense wakutala pa mwanamukazhi na lwiso walenga kala naji bukende moka mu muchima wanji." Pano ng'anyi wazhatwa, mwanamulume nangwa obewa nyi? Aye wamulume, walengwa mba obe kikye kyubilo, mwamona; kabiji obewa wi mwanamukazhi, wafwainwa kukana.

<sup>249</sup> Kabiji kika kyo wibika obewa mwine byobya? Kechi kyakuleta mutende ne, wayuka mba kechi kyafwainwa ne, inge wakwatwa mashika kwipi na kufwa pa kumvwala tuputula. Monai, kechi kyonsha kuleta mutende ne. Nanchi pano kika? Ke kyabubipisho! Anweba kuuba mwikiswa ne, bino Baibolo ye waamba byo. Ke Bukine. Ke mupashi wabubipisho uji mwi

obewa. Obewa kechi ukeba kwikala wabubipisho ne; bino kechi wikilanguluka ne, bumupashi obewa uji na bubipisho, mambo ubena kwimweshwa obewa mwine wabubipisho.

<sup>250</sup> Pano, mwanamulume, byanji byakala, byandochi, manungo andochi, kabiji inge kechi ujipo na byakumvwala ne, kafwako lupusano lwikalapo ne, mubiji wanji kechi utwala mulweseke ne. Kika? Aye wajinga mu bilengwa bitanshi, byubilo; byo kyafwainwa kwikala, mwamona. Bino, obewa wi wafuma-kukilengwa, pakuuba mba wikale wakutwala mulweseke.

<sup>251</sup> Lesa, utubile lusa! Oo, ami, ino ntanda ya bubi! Amiwa nkekala na lusekelo inge kypwa.

<sup>252</sup> Monai, Aye wakonsha kukana mukazhi Wanji kimye kyonse kyo Akeba kuuba, bino aye kechi wakonsha Kumukana ne; Aye wakonsha kundengela, Aye wakonsha kutaya mu lukungu kimye kyonse Aye kyo akeba, bino, oo, mulongo, Kyawama amiwa kechi nakonsha kweseka kumukana Aye ne, Amiwa nishi napwa.

<sup>253</sup> Solomoni wakonsheshe kusongola mwanamukazhi uji yense wabujilwe kusongolwa, aye wakonsheshe kusongola mwanamukazhi ye akeba. Ng'anga wakonsheshetu kusongola mwanamukazhi wajinga kisungu. Solomoni . . .

<sup>254</sup> Nobe Davida, aye wasongwele (jizhina janji jajinga ng'anyi?) Abigail. Ao, kwajinga mwanamulume watelwa mba "wakosama," wajinga na mukazhi wawama, kabiji wafwile. Kabiji Abigail wasongwelwe kwi Davida; aye wajinga mfumu, kechi pulisiti ne, mwamona, nanchi aye—aye wasongwele.

<sup>255</sup> Bino pulisiti kechi wakonsha kuuba kyokyo ne, mambo aye wakwachile nangwa watolele mwanamukazhi kwikala mukazhanji ao wajinga mukazhi wa mwanamulume mukwabo. Nanchi akyo kimweshwa mba ke bukisungu bwa Kipwilo kya Nkambo Yesu Kilishitu, Musongwa wafwainwa kwikala wabula kumvwangakane, Kyambo, kechi Kyambo kimo kyabujila pantu pamo ne. Kyakine. Mwakonsha kulanguluka musongwa walumbuluka, wabujila jibele jimo, kabiji, jikwabo, kintu kimo kyatama, mwayuka? Ao kechi wakonsha kwikala Musongwa wa Kilishitu ne. Aye walumbuluka. Aye ke Kyambo kyonsetu, kafwako nangwa Kyambo kimo kikakalwa kuji konse ne. Ine.

<sup>256</sup> Monai, Aye wakonsha ku mukana, pakuuba aye kechi wakonsha kumukana Aye ne. Aye wikyubile, kyashiniikishiwe, mu moba kimye Luther, Wesley, kabiji ne ba Pentekositi, byo bakaine kuya lutwe lwa lubaji Lwanji kupichila mu kwilaala kwa kumupashi pakuuba mba emitwe na lutwe lwa Kyambo. Mwikyumvwa nyi? Aye wakaine. Abo kipwilo kyabena Luther kyamakaine Kilishitu kwikifwalama; Luther wikikaine. Kabiji lekai ng'ambe kikyeye, musa kutela kintu kingi; nanchi byo byokiji ne leelo na bonsetu, ba kakalwa kutola kyokya Kyambo, bakana Kilishitu!

257 Kabiji mwanamukazhi yense ukanya mwaana wa mwanamulume, aye kechi uji na nsambu yakwikala mukazhi kwi aye ne. Amena. Anweba vulukai, mu Baibolo, mfumu byo asongwele Eshita? Mambo muka mfumu wakaine, wa mumwenejiletu mukwabo. Kabiji byo. . . Kika kyamwekele byo akaine kulupuka na mfumu ne kumukokela? Kintutu kimo ku mwanamukazhi waakana kwikala mukazhi ku mulume wanji.

258 Kabiji nanchi byokiji na kipwilo kyakana kwimitwa mu ino nkulo yo tubena kwikalama, kuuba mba aseme baana ba mu ino nkulo. Atweba kechi tubena Luther ne, atweba kechi tubena Wesleys, nangwa kechi twiba Pentekosito! Twafwainwa kwikala baana ba ino nkulo, kupichila mu kwimita kwa Kyambo kya Lesa, mu kuleta Mwaana wa ino nkulo, Lukunwa wa Mwana. Amena. Naketekela mba mwakwatakanya. Kechi wakonsha kwimita ne, ine, nanchi Aye waubile ka? Kumukana, mu kwikana. Abyo ibyo. Bino aye kechi wakonsha kumukana Aye ne. Mulume wa mukaine.

259 Aye watwajijiletu nakusolola Kyambo Kyanji ku Mubiji, kabiji ne kumushininkisha Aye, yeka umo, kupichila mwi Aye mwine. Banji baana batatula kumwekatu nobe Aye mwine, mambo Kyapela kukoma, nangwa, baikala baana ba Kyambo, kechi baana ba kipwilo ne. Baana ba Kyambo! Kabiji Musongwa ukekala Inetu watemwikwa mucheche wa Kyambo, kyabula kumvwangakanamo, kechi kyakwatwapo ku mwanamulume wa kabungwe ne, lufunjisho lwalengwa-na muntu. Aye ukekala wabula kumvwangakana, Musongwa wa Kyambo! Amena kabiji amena! Naketekela mwikitambula kyokyo, kuya mu lubesha. Aye ukekala mwana wamukazhi wakwa Lesa waimita.

260 Monai munema mukatampe mwanamukazhi ye akonsha kwikala? Monai kinyu kikatampe kipwilo byo kyakonsha kwikala, pano mwamona bubipisho kobwamufikizha? Nanchi ke kwesakanya kipwilo kokwa na Kipwilo kuno, anweba kuuba mwikyuba ne. Kabiji kwesakanya pite wa mu mukwakwa na Kipwilo kya Lesa mumi; nangwa mwanamukazhi, mwanamukazhi waitabilwa, na pite?

261 Kika kyo kwaikela byobyoby bintu? Ye muzhilo wa Lesa, muzhilo wa kupusana. Tukayuka byepi kwiyowa na kyeya kya mute inge kechi kuji bufuku ne? Tukayuka byepi kwiyowa na kisalo inge kechi kuji mvula ne? Tukayuka byepi kwiyowa ne kupana munema mwanamukazhi wakine, inge kechi kuji wandochi ne?

262 Watwajijiletu na Kwikisolola, na kusolola Kyambo Kyanji, bino kechi kyakonsheka umo mwi atweba kweseka kumukana Aye ne kusongolwa ku mukwabo ne.

263 Pano kijitu patoka kyatamina lonse lufunjisho lubiji. Obewa kechi wakonsha kwikilengela *mujiye* jishinda, kyapwa; mwikilengela kwenda *byobyoby*, kyakonsha kuya kupitaila pa

mulaye. *Uno* ye mulaye, kino kyo kintu kyawama. Akyo Kyambo kechi kipachika ne. Kyafwainwa kwikala mu kutwajijila, nangwatu Mateyo 28:19 kechi waapachika Byubilo 2:38 ne.

<sup>264</sup> Pano, anweba bamo banabakazhi, anweba bamo banabalume, Na—Nayuka anweba—anweba mubena kupachika na Kyokyo. Mambo, mwayuka, anweba kechi mwakonsha kwikifya ne. Kuuba wikyuba ne.

<sup>265</sup> Bino ndekaitu ne mumweshopo kintu kimo. Inge Mateo 28:19 waamba mba, “Okao mambo yainga, nakufunjisha byaalo byonse, ne kwibatizha mu Jizhina ja Taata, kabiji ne ja Mwaana, ne Mupashi Wazhila,” kabiji baalulukile, ne muntu yense wabatizhiwe wabatizhilwe mwapusanako na kyokyo, babatizhile mu Jizhina ja Yesu Kilishitu, mambo ne bonse kupita mu nkulo ya Baibolo kabiji pa myaka fili aduleendi panyuma ya nkulo ya Baibolo, kufika ku Kije kya Nikeya. Apo po basendele mafunjisho abantu. Lupusano luji pepi, inge kechi kyasololwa ne?

<sup>266</sup> Kabiji mwayuka Buuku yense, Baibolo yense, ke lumwekesho? Abyo byo wafwainwa kuyuka bukine pakachi ka kikye ne kikwabo, ke mambo akuuba mba Ke lumwekesho. Kabiji lumwekesho lwafwainwa kwesakana pamo na Kyambo, kechi kupusanako na Kyambo ne. Anweba mwamba mba, “Kyawama, Amiwa, kyasolokele kwi amiwa.” Nanchi inge kyapusanako na Kyambo, kechi kyafuma kwi Lesa ne. Abyo ibyo.

<sup>267</sup> Pano inge mukeba kusenda Mat-...Mateyo 16:18. Yesu waambile mba, Aye mwine, amba Kipwilo kyonse, Kipwilo Kyanji, kikashimikwa pa lumwekesho lwanji Aye mwine lwa bumupashi, kyo Kyambo. “Amiwa ne mwambila, namba anweba mwi Petelo...Kabiji buntunshi bwa nyama ne mashi kechi bo bwimusolwelakyo ne, bino Ba Taata banji Mwiulu bobemusolwelakyo. Kabiji pa jonka jino jibwe...”

<sup>268</sup> Bino, Nayuka mba, balunda netu ba Katolika popo, mwamba mba, “Kyashimikwa pe Petelo, kabiji Petelo wa butumwa, kananga, *Kananga-ne-kananga*, mwaila kuswisha, kuswana.”

Ba Polotesitati baambile mba, “Kyashimikilwe pe Yesu Kilishitu.”

<sup>269</sup> Kechi kwikala wapusanako ne, bino kunsendatu byonka byo Aambile! Aye waambile mba, “Buntunshi bwa nyama ne mashi kechi bobemusolwela kikye ne, kana Ba Taata banji Mwiulu bobemusolwelakyo. Kabiji pa jonka jino jibwe” (lumwekesho lwa bumupashi lwa biji Kyambo) “Amiwa nkashimika Kipwilo Kyami; kabiji binzhilo bya kalunga kechi Bikekishinde ne.” Mukazhi Wanji kechi uksekwa na banabalume bakwabo ne. “Amiwa nkashimika Kipwilo Kyami, kabiji binzhilo bya kalunga kechi Bikekisukenya ne.”

270 Kabiji Abela ne Kaina, mu bujimi bwa Edena. Kaina waletetele milaguluko yanji mwine, waambile mba, “Pano, talai, Lesa ye Lesa wawama. Aye ujitu pa bilengwa na lesa byonse, nanchi Nsakutolatu nkunde ne tamba, kabiji Nsakutola ne—ne maluba, kabiji Amiwa Sakumulengela kitapisho kyawama bingi.” Akyo kyo kipwilo. Aye wafukamine panshi. Aye waketekejile Lesa. Aye wapopwejile Lesa, wasutwile maboko anji, kabiji wapaine kitapisho kyanji. Aye waubile bintu byonse bya bupopweshi byaubilepo Abela.

271 Abela washimikile musango umo wa kitapisho. Pakuuba Abela byo aletele byanji, waletetele mwanamukoko. Pano, Kaina walangulukile mba, kulenga mfuto ya ubi, amba ba shanji ne bainanji wafwaijilwe kuja kipangwa, byonka byo bafunjishiwe mu bujimi. Bino Abela, kupichila mulumwekesho lwa Bulesa, wayukile mba kyajinga mashi ekyubile. Konka kulumwekesho lwa Bulesa! Kabiji Baibolo waamba mu Bahebelu, kyapitala kyabu 12, kyapitala kya bu 11, amba, “Abela, konka kulwitabilo,” (lumwekesho) “walambwile kwi Lesa kitapisho kyakila kuwama kukila kyakwa Kaina, imo Lesa mo ashimwijile mba waji waoloka.” Abyo ibyo nyi? Amena! Mulongo, nyenga, kijitu patoka byonka byo kyakonsha kwikala, kwi amiwa. Abyo byobiji bintu byonse.

272 Pano pa *Masongola Ne Kwikana*, monai, kyafwainwa kusololwa. Poso kyasololwa, obewa kechi wikiyuka ne. Bino Aye walaile mu moba apelako, mu ino nkulo, amba kyonse kyafyamika kyabufyafya mu Baibolo kikasololwa. Baanga bayuka kyokyo? Lumwekesho, kyapitala kyabu 10! Yesu wikilaile, mba byonse byafyamika bya bufyafya pa—pa *Masongola Ne Kwikana*, byonse bye bikwabo byajinga byafyamika bya bufyafya, bikasololwa mu kimye kyakupelo. Pano vulukai, Jiwi jaambile mba, “Yanga ku Tucson.” Vulukai Kyeya kyaafyaamika mwiulu? Malaika wa butanu na bubiji waimene ponka? nabwelele, kabiji kushikulwa kwa Tutetesho Tutanu na tubiji. Monai kyamwekele. Akyo kyakine.

273 Pano kuyako palutwe pacheche. Bino pano, mwaumvwa anweba! Nayuka mba kibena kufika ku kimye kya kuja, bino Mbena kujatu bulongo.

274 Monai, pano, mwanamukazhi uji na kifulo kyanji, kabiji ke bunoshi. Solomoni, awe mwanamulume wajinga na bakazhi ten sauzande. . . nangwa wajinga na bakazhi sauzande, byonkabyo, aye waambile mba, “Mwanamulume wataina mukazhi, watana kintu kyawama.” Aye waambile mba, “Mwanamukazhi wawama ke bunoshi mu muchinya wanji,” awo ke mushingi. “Bino awa wabula koloka ke meema mu mashi anji,” abo ke bumi bwanji. Aye waambile mba, “Kwakonsha kwikala mwanamulume umo waoloka mu sauzande,” Solomoni waambile kikyeye, “pakuuba,” waambile mba, “kechi mwakonsha kutanapo umo

mwanamukazhi waoloka mu saunzande ne.” Solomoni waambile byobyoy, mwamona. Pano monai kyokyo, byo kiji.

275 Bino, mwamona, mwanamukazhi, obewa—obewa wi bunoshi inge ubena kukeba kwikala bunoshi, bino nkebelo yafwainwa kwikala ne obewa. Kabiji mwamona ene mambo *Masongola Ne Kwikana* byo ajinga, ne Yesu kyo atongwejilengako, kyajinga mambo musango obe kyo kintu kyalengejile bubi bonse. Ao oene mambo a paji ne kwikana, ne bintu bikwabo, byaletelwemo. Kuntendekelo kechi kyajinga byobyoy ne, kabiji kechi kikekala byobyoy mu ntanda ya kulutwe ne.

276 Monai pe Yakoba, mwafumine bashakulu. Aye wajinga pepi nobe bakazhi twelufu. Aye wasongwele banyenga babiji, kabiji wajinga na batombo pabobo, banabakazhi bamizhilo-yaitabilwa bo aikele nabo. Kabiji aba bashakulu basemenwe monka mu banabakazhi batombo. Abyo ibyo nyi? Mwamona, mwafwainwa kulengela Kyambo kwenda mundonda.

277 Oo, Amiwa njina mapeje. Inge musapwishi wangipuzha pakyokyo, kabiji twakumana pamo, twakonsha kwikyamba. Bino kyakine, umvwe uji na bumupashi bucheche, wakonsha kumona ponkapo amba Kyabukine. Apo kechi pajipo jipuzho pa Kyokyo ne.

278 Mwanamukazhi wawama ke kintu kyawama. Nayuka kyokyo. Nekiyukila ku banabakazhi bene bawama. Amiwa nakumanyapo banabakazhi bakine, bajitu byonka biji banabalume baikalako kala.

279 Mukazhi ke walengwa-kufuma mu kilengwa kabiji ke lubaji lwanji, kabiji mu kimye kya kupona watelekele kwi aye. Aye uji. . . Aye ke wa kulubaji lwanji. Bino, kiji kwi aye, walengwa byobyoy pakuuba mba ekale wabubipisho, kabiji wapewa luusa lwa kukana nangwa kuswa. Akyo ke kyapusanako kumusango mutanshi kuntendekelo, mwamona, bino abyoy byokiji.

280 Pano ke twelufu koloko, nanchi Amiwa nsakushapo kintu kimo papo pa mamineti acheche. Nasaka kwi mwipuzhapo kintu kimo.

281 Pano, vulukai, Naamba kikye ku jibumbatu jami jonka. Kabiji kubaji pa lubesha, Mbena kwamba kikye ku bonka bandondela. Ino Mbila yayatu kwi abo, kabiji ne byo Mbena kwamba papo.

282 Wamwingilo yense, aye, kyo kyaji, ee, ye kafunga wajitanga, lekai obe kyonse kyo akeba. Akyo kijitu kwi aye ne Lesa. Pulisiti yense, musapwishi yense, akyo kiji kwi obewa, mulongo wami.

283 Amiwa mbena kwambatu muno mu Jeffersonville, yo yonka mpuzha mo nakonsha kwambila kikye, ke mambo akuuba mba jitanga jami. Ke jitanga jo ampa Mupashi Wazhila amba bayuke mba ne mukulumpe pe ajo, kabiji Aye ukatotolweshwa pe ajo. Kabiji aabo bantu bami baitabila kufuma mwaya ntanda, bo

Naleta kwi Kilishitu. Kabiji, baana babacheche, Amiwa nji pano na kwimukwasha, kabiji Amiwa ne mulunda nenu. Anweba mwakonsha kumona mba Ng'amba byatama pe anweba; Mbena kwamba bibye, monai, ku buwame bwenu. Nemutemwa anweba. Kabiji umvwe akyo kechi byokiji ne, Lesa wami ye Mutonyi. Mwayuka mba Nemutemwa.

<sup>284</sup> Akye ke kintu kyakosa kyatama, Amiwa kechi naji kuyuka mwakwikyambila ne. Kika kyo Nkoba, inge Njina banabalume ne banabakazhi baikala mu kipwilo kyami, bamo ba mwiabo basongola jibiji nangwa jisatu? Banabalume bawama ne banabakazhi bawama, bonse bamvwangakanatu! Kika kyaubiwa? Mafunjisho abubela, kyakine, kubula kupembelela pe Nkambo.

<sup>285</sup> “Akye kyasambakanya Lesa, muntu kechi ekyabanye ne.” Kechi kyokya kyasambakanya muntu ne; ke kyokya “Lesa” kyo asambakanya! Inge mwaikala na lumwekesho lwafuma kwi Lesa, amba ye mukazhi, kabiji kintu kimotu, ao ke obe, mu bumi bobo bonse. Mwamona? Pakuuba kyasambakanya muntu, muntu uji yense wakonsha kwikyabanya. Pakuuba kyasambakanya Lesa, kafwako muntu wakonsha kukwatapo ne. “Kyonse Lesa kyo asambakanya,” Aye waambile mba, “kafwako nangwa umu wakonsha kwikyabanya ne.” Kechi kyokya chibishi wamambo wapendwa-kichika nangwa muntu mukwabo kyo asambakanya ne, nangwa musapwishi umu wabwela panyuma uji na buuku wamafunjisho a kipwilo, akyo kyakonsha kwibaleka kuuba kintu kiji kyonse muntanda ne, kabiji ne Kyambo kya Lesa kasa kyaikala ponka. Mwamona? Mbena kwamba pa kyokya Lesa kyo asambakanya.

<sup>286</sup> Pano Mbena kwamba kikye kwi anweba. Amiwa natako bingi muchima ku kintu kyo nakonsha kwamba kwi anweba. Amiwa kechi natazha mu kuuba mba ng'ambe byakosa kwi anweba bantu ne. Amiwa kechi natazha mu kuuba mba ng'ambe byakosa kwi anweba ne, bakafunga balongo bami. Amiwa kechi natazha mu kyokyo ne. Bino Amiwa njina mwingilo, byo nayuka mba akye kyapanwa mu maboko ami, kabiji inge. . . Amiwa kechi nakonsha Kwikikwachijila ne, kabiji Nayuka mba yuwe tepu ukooba. . . Oo, ami, Amiwa kenengezha, ofweshi washikuka, mambo kibena kwiya. Mwamona?

<sup>287</sup> Kijitu pamo nobe pa *Lukunwa Wa Muloolo*, bino kyashinikishiwa mba kyakine. Amiwa njina bipepala pano, byafuma mu bipepala, apo banabakazhi ponka pano. . . kabiji nangwa mu—mu kikatampe. . . Bimo bipwilo bikatampe biji na bipikichala bitanshi, muloolo ubena kwenda pa mukupa wa mwanamukazhi, kabiji kasa abena kumuzhokoloka; uji na misango yonse ya ng'umvwino ya ku mubiji ne bintu bikwabo, kintu kimo mwanamulume kyo akonsha kumukwata nakyo ne, na muloolo mukatampe wamupomba, kabiji ne bikwabotu. Akyo kyabukine. Kabiji kibena kuya na kutaminakotu, kabiji



kikayangatu na kutama. Muloolo, ao kechi byo ajinga ne... aye kechi walajile nanji kimye kyo ajinga muloolo ne, bino vulukai... .

<sup>288</sup> Amiwa napachikilenga juba jimo na...kechi kupachika ne, wajingatu wamwingilo wa ku Assembly of God kabiji ne wamulondejile, waambile mba, “Obewa waya mungi, pa Kyokyo.”

Naambile mba, “Kyawama, Nafwainwa kwikala. Nakonsha kutemwa obewa kumbuula.”

<sup>289</sup> Aye waambile mba nanchi, watwajijiletu na kutatula kwamba pa kikye. Kintu kitanshi mwayukatu, aye mwine walubijilemo. Kabiji kintu kimo kyo aambile, waambile mba, “Mulongo Branham, awa musango uji kwepi? Lesa waambile mba ‘kintu kimo kya mu musango wanji.’ Pano awa musango ye waamba mba wajinga pakachi ka muntu ne nyama, akyo sayaasi kyo abula kutana pakino kimye? Uji kwepi?” Waambile mba, “Bushe uji panopantanda nyi? Aye wajinga kimpazi nyi?”

<sup>290</sup> “Ine, mambo masi a kimpazi kechi akonsha kumvwangakana na mwanamukazhi ne, kafwako nyama mukwabo wakonsha kumvwangakana nanji ne. Ine, kechi kyakonsheka ne, nangwa malume a mwanamulume kechi akonsha kumvwangakana na—na mukazhi ne. Kechi kyakonsheka kubiwa ne.”

<sup>291</sup> “Pano awa nyama uji pi? Pano, Lesa waambile mba, ‘Lekai kintu kyonse kiseumunune musango wakyo.’”

<sup>292</sup> Amiwa napembejileko kamineti kamo. Kabiji buwame bwa Mupashi Wazhila waambile mba, “Mubulai, ‘Kiji kuno.’”

Pano, kimye kitanshi Naambile mba, “Kyawama, kyafwainwa kuzhiya.”

Aye waambile mba, “Bino, Mulongo Branham, akyo, tubena kwamba pa Kyambo, kechi ibyo nenyi?”

<sup>293</sup> Naambile mba, “Ee, mwane.” Kabiji Naambile mba, “Abo, mambo, bamba mba bintu bikwabo, biji nobe dainosalasi ne—ne byabaya, kabiji ne bikwabotu, banyama bamusha baana, nangwa babaya, bazhiya, kabiji ne bikwabotu.” Naambile mba, “Kyafwainwa kwikala byobyoyo.”

<sup>294</sup> Aye waambile mba, “Mulongo Branham, tubena kwamba pa kushininkisha kwa Kyambo. Inge bubi kobuji, nanchi, bubi butanshi, bwafwainwa kwikalako pakino kimye ne abo.”

<sup>295</sup> Kabiji Naambile mba, “Nkambo Yesu, Anweba mwaambile mba, ‘Kechi mulangulukile jimo kyo mwakonsha kwamba pa kwiya ku muntu ne, mambo kikapewa kwi anweba mu kyonkakya kimye.’ Nkambo, kika kyo Nsakwamba?” Aye waambile mba, “Mubulai mba, ‘Kiji pano.’” Kijitu pamo nobe Mbena kumona bimwesho pa pulatifomu.

296 Naambile mba, “Kiji muno,” kwakubula kuyuka ne.

Aye waambile mba, “Kweepi?”

Kabiji kasa Kyangye kulanguluka ne, Aye waambile mba, “Ke muloolo.”

297 Abyo kine byo kyajinga, mambo aye kechi ukiji lukinyama ne. Wafingilwe ne kubikwa mba endelenga munda yanji mu moba anji onse. Uji pano. Abyo ibyo nyi? Kabiji muyekawa musango ye aubile, kukiji musango wa bubu bwazhokoloka mwanamukazhi, nobe musango wa bwanabulume. Apo ipo poaji na musango wa ng’umwino kabiji ne bintu, byo ekala na ng’umwino ya ku bubiji yabaya kukila ya mwanamulume.

298 Amiwa sakwimana ponkapo mambo tuji mu jibumba jamvwangakana. Amiwa katola banabalume, Amiwa nkoba. . . tukamba kyabaya pa kyokyo. Njina na bipepala byonse ne bintu bikwabo biji papo, ponka pa kuboko kwami ponkapano, kabiji Amiwa naji kufwainwa kwikileta kwi anweba lukeelo luno. Naji kufwainwa kusenda juba jonse pa kikye, bino Nsakuleka kwamba pa kikye.

299 Akye ke ku kipwilo kyamitu. Kechi kipwilo kyami ne. . . Jitanga jicheche janketekela kabiji ne kundondela, akye ke kwiabo.

300 Juba jikwabo, byo nayuka mba inge Nemubula kintu kiji kyonse, kyafwainwa kwiya ABYO BYOBYAAMBA AYE NKAMBO, nanchi Najinga na Binembelo nobe byonka byo Asolwejile. Bino, “Nkambo Lesa, Nakonsha kwambaka ku kikye kipwilo? Amiwa nsakwabaya. Mwanamulume usakwikala pa valanda kabiji ne mulubaza, kabiji ne konse kukwabo, ‘Nakonsha kumusha?’ Banabakazhi, ‘Nkonsha kusha ba mwata wami?’ ‘Nakonsha kuuba Byepi?’” Naambile mba, “Nkambo, kika kyo Nakonsha kuuba?”

301 Kintu kimo kyaambile kwi amiwa mba, “Yanga ku mutumba, kabiji Amiwa nsakukwambila obewa.”

302 Kabiji Amiwa kimye kyonajinga ku mutumba, kwakubula kuyuka mba kokwa ku Tucson babena Kwikimona. Bino ne bafunjishi baichile baana kufuma. . . nsongwakazhi wami mucheche ne bakwabo, kufuma mu kibamba kya sukuulu, kabiji baambile mba, “Talai ku yewa mutumba! Kuji Jikumbi jibena kumweka-bulongo ja musombelo wachiluluka muji ne kibobo kasa jiya peulu ne panshi, kuya mwiulu kabiji ne kubwela panshi.” Lukumo lwikale kwi Lesa.

303 Mrs. Evans, muji muno nyi? Ronnie, uji muno? Amiwa nabwelele ku kitesheni, awe nsongwalume mwananyike wa ku kitesheni kya manyi, kitesheni kya manyi kya ba Evans. Kabiji Amiwa kasa kyangye kuyuka bisakwamba nsongwalume, aye wakwachile ku maulu ami, aye waambile mba, “Mulongo

Branham, obewa wajinga ku yewa mutumba kokwa, kechi ibyo nenyi?”

304 Naambile mba, “Obewa watazha muka? Ine,” monai, na kumona byo abena kuya nakuba. Bimye byavula bintu bimweka, Amiwa kechi, ne byamba ku bantu ne. Kikala . . . Kine kintu ke kikye, inge umona byavula, bikala byapijilwa kwi obewa. Mwamona? Amiwa kechi mbulatu bantu. Naambile mba, “Ronnie, kyajinga kika obewa . . .”

305 Aye waambile mba, “Nakonsha kwimumweshwa ko mwajinga.” Waambile mba, “Naichile bamaama, kabiji twaimene bibye na kumona joja Jikumbi jakobama peulu, kasa jiya peulu ne panshi. Naambile mba, ‘Kyafwainwa kwikala mulongo Branham waikala popa kuntu kumo. Awa ke Lesa ubena kwamba nanji.’”

306 Kabiji muzhi yense, bantu, be Kitajilenga. Pajuba jatokatu jabula makumbi nangwa pachechetu ne, na Jikumbi jikatampe jachiluluka muji kibobo kasa jakobama; kasa jiya panshi nobe mulumbulumbu, kabiji jabwela jakumbana konse.

307 Balunda, kabiji pano Amiwa kepwishe, mwakonsha kuya kufuma pa kikye. Apa ipo Kikye po kyasolweelwenga kwi amiwa, kyo Mbena kwimubuula ponkapano, nanchi kechi Kimupite ne.

308 Pano Amiwa mbena kwamba kuboka betulondelatu, abo bandondela ne iye Mbila kwapwa, kechi baji pangye ne. Ikalai na bukamonyi na kikye kumeso akwa Lesa. Ku jije jibumba kwapwa!

309 Pano twatanwa mu kikye mambo alufunjisho lwabula kulumbuluka. Abyo ibyo nyi? Oene mambo anweba banabakazhi mwasongolwa jibiji, kabiji ne anweba banabalume, mambo alufunjisho lwabula kulumbuluka. Pano Nasaka kwi mumweshapo kintu kimo kyo Ambujile.

310 Kabiji inge Lesa, Mulenga wetu, waipwizhiwe jipuzho pa kimye kyo Ajinga pano pantanda, Yesu Kilishitu; kabiji mupokolweshi Wanji byo aishile, Mosesa, amwa mu Ijipita, mu kulupula baana kufuma mu—mu Ijipita, ne kwibabika mu ntanda ya mulaye; kabiji Yesu waambile papo amba Mosesa wamwene bantu muyuwe musango, kabiji wibaswishishe kupana kalata ya kwikana, mambo yewa musango byo kyajinga. Mosesa wataine kyokyo, amba, “Mulekai . . .” Lesa waswishishe Mosesa, awa ngauzhi watuminwe ku bantu, kuswisha kupana kalata ya kwikana.

311 Kabiji mu Kolinda Mutanshi, mu—mu kyapitala kyabu 7, ne veeleshi wabu 12 ne 15, ku ngauzhi wa Lulayang’ano Lupya, Paulo, ao wakumenye kintu kimo mu kipwilo, kabiji waambile kikye, “Akye ke Amiwa, kechi Nkambo ne.” Abyo ibyo? Mambo a musango wakwikana.

312 “Kechi kyajinga byobyoby ne kufuma kuntendekelo.” Pakuuba Mosesa waswishiwe, kabiji Lesa wikiswile kwikala bololoke. Kabiji Paulo naye wajinga naluusa, byo ataine kipwilo kyanji mu yewa musango.

313 Pano anweba mwaketekela Kikye kwikala kya kine, kabiji ne Kwikiswa amba kyafuma kwi Lesa! Kabiji monka mukushinikisha kwa Jikumbi Janji ne Mbila Yanji ibyo byafikizha pano, bushe Lesa kuuba waswisha kuuba kintu kimo pa mutumba ne, kwimuleka anweba kutwajijila mu musango yeka ye mujimo, kabiji ne kwikyuba jibiji ne! Yanga na bakazhi bobe kabiji mwikale mu mutende, mambo kimye kyapwa. Ako Kwiya kwa Nkambo kwafyenya pepi. Atweba kechi tuji na kimye kya kwibilodolola bulongo ne. Kechi mwafwainwa kweseka kwikyuba jibiji ne! Amiwa mbena kwambatu ku kipwilo kyami. Bino inge wasongolwa . . . Kabiji Lesa ye kamonyi wami mu kikye, pa mutumba, pakuuba mba Ng’ambe Kikye, ke lumwekesho lwa bulesa, mambo a kushikulwa kwa Tutetesho Tutanu na tubiji, kabiji jije ke jipuzho jiji mu Kyambo kya Lesa. “Balekai batwajijile monka mo baikela, kabiji kubwezhapo jibiji kulenga mambo ne!”

314 “Kechi kyajinga byobyoby kufumatu ku ntendekelo ne.” Abyo ibyo, kechi kyajinga byobyoby ne, kabiji kechi kikekala byoyo kufikatu ne kumpelo ne. Bino mwaila bwikalo bwakatataka, nobe kalume wakwa Lesa . . . Amiwa kechi nakonsha kwitela amiwa mwine mba nengauzhi Wanji ne; bino Naketekela mba kapepo, inge kechi Natuminwa kyokyo ne, Mbena kwaala kintendekesho kyanji byo akeya. Nanchi mwaila bwikalo bwakatataka, Ne mukambizha kuya ku nzubo yenu, na bakazhi benu. Inge muji na lusekelo nanji, ikali nanji, komesheshai baana benu mu lufunjisho lwa Lesa. Pakuuba Lesa emubilekotu lusa inge mwauba kyokyo jibiji! Anweba funjishai baana benu kubula kuuba kintu kyayeo musango, bakomesheshai mu lufunjisho lwa Lesa. Kabiji pano byo muji byonka byo muji, twayai tuye kulutwe pano, mu kimye kyapwa kya mabaanga abufuku kyo tubena kwikalamo, kabiji “kanaminai kikokwanyika kikatampe kyalwito mwi Kilishitu,” amo bintu byonse mo byakonsheka kubiwa.

315 Poso Nemumone bufuku buno, aye Nkambo Lesa emupeshe, kimye kyo tubena kulomba.

316 Nkambo Lesa, twi musachila Anweba. Twapana lutakaiko kwi Anweba. Anweba mujitu pamo Yehoba mukatampe waswishishe Mosesa. Mosesa, awa kalume, kabiji ne byo abujile bantu banji? Kabiji, Lesa, Anweba mwamuswishishe kupana kalata ya kwikana. Paulo, mutumwa mukatampe ao wajinga munembeshi wa Lulayang’ano Lupya, nobe byonka byajinga Mosesa mu Wakala. Mosesa wanembele Mizhilo kabiji ne mizhilo ya mankulo. Bavula bangauzhi, byambo byabo bya bikilwe mwi Ayo, pakuuba Mosesa wanembele Mizhilo. Kabiji Anweba

mwamuswishishe kunemba, kunemba kalata ya kwikana, mambo a kukosa kwa michima yabo.

317 Aye mukatampe Paulo Wazhila, byo aji nembu wa Lulayang'ano Lupya, naye waambile yoyo ng'ambilo, amba, "Naamba mu yuwe musango; Amiwa, kechi Nkambo ne."

318 Nanchi byo byokiji ne leelo, Nkambo Lesa, ku mpelo ya ntanda, byonka byotuji mu lusa lwa Lesa, byo twayuka mba bukumotu tukakumbule mu Kyeenyi Kyanji. Kabiji Anweba mwauba byavula, Nkambo, Amiwa naketekela, ku meso ababo bantu, bonse bakwachijila ku Kikye nobe Kyafuma kwi Anweba. Kabiji kwikala bakamonyi leelo, ba bantu bavula baikala muno abo bamwene akya Kiyukilo peulu ya mutumba, po baishile Bamalaika ba Nkambo mu kashimbiji, apo po baishile mu Bamalaika sebeni, apo kusololwa kwa Byafyamika Sebeni po byasolwelwe; kabiji awa Malaika umo, mu lubaji lumo, pa mutumba umo, pa joja juba Kikye po kyasolwelwe!

319 Lesa, Nalomba mba bantu basakuya ku manzubu nakusata amba Lesa waswisha lulwe lusa kwi abo. Amiwa ne Kyambatu, Nkambo, kupichila mu luusa lwenu. Kabiji Amiwa Nkyambatu kupichila mu luusa lwenu, Nkambo. Kabiji lekai bantu bekale bakusata kyakuuba mba kechi bakoba bobwa bubi jibiji ne! Kabiji kechi bakobepo bubi bukwabo ne, kana kwi mutemwa Anweba na michima yabo yonse. Nkambo, panai lusekelo ku bibye bisemi, kabiji bakome ne kukomesha baana babo mu lufunjisho lwa Lesa.

320 Mambo, Mbila yami yajinga pa muchima wami yapanwa, Nkambo. Amiwa nauba monka mo Nayukila kuuba. Kabiji Satana wandwisha milungu yavula, ne ma awala kwakubula kulala ne. Pano bino Amiwa Nekikambizha, Nkambo, ku baabo bantu, amba Bekifunde, kabiji ne kuya nakwikela Anweba. Kiswishai kye, Nkambo. Kyafuma pa mapuzhi ami pano. Abo baji mu maboko Enu. Nalomba mba Anweba musakwibapesha.

321 Peshai tutwe tutambala, Nkambo, ato twwabikwa kuno, twabakolwa ne bamanyikwa. Lekai buno bufuku bwikale bumo bwabaisha, bufuku bwa bulume, amba bantu bonse batambule lubuko. Kiswishai kye, Nkambo. Tupeshai pamo.

322 Lekai tuye mu mutende, balusekelo, ne kusangalala, mambo Lesa mulenga witumwesa "kufuma kuntendekelo," kabiji wafikizha ne kwi atweba, mu bubi bwetu botuji nabo, lusa Lwanji jibiji, mu ano moba apelako. Anweba Mukatampe kabiji Lesa Wapeenape, twimusachila bingi Anweba pakikye! Kabiji lekai michima yetu ikale ya lusekelo, kyakuuba mba kechi tukekale na lusako lukwabo lwa kulenga mambo kwi Anweba ne. Mu Jizhina ja Yesu. Amena.

Namutemwa Aye, (Kika kyo wakonsha kubula  
 ku mutemwa Aye?) Namutemwa Aye  
 Mambo Aye ye mutanshi kutemwa  
 Kabiji wapotele lupulukilo lwami  
 Pa Kalvali pa . . .

<sup>323</sup> Ne kyamba pakuuba mba bamwingilo be kyumvwe. Akye kyabooba balondela iye Mbila kwapwa!

<sup>324</sup> Oo, munji na lusekelo nyi? [Kipwilo kyaamba mba, “Amena.”—Waku.] Amiwa ne mubula Bukine, ABYO BYOBYAAMBA AYE NKAMBO, monsetu mulwendo! [“Amena!”]

<sup>325</sup> Pano twayai twimane ne kusutula maboko etu, byo tubena kumwimba jibiji, “Namutemwa Aye.” Namutemwa Aye mambo a lusa Lwanji. Namutemwa Aye mambo a lusa Lwanji. Namutemwa Aye mambo a Kyambo Kyanji. “Kabiji Kyambo kya Nkambo kyaishile ku bangauzhi!”

Ami . . .

<sup>326</sup> Iya, mulongo. Yangatu kulutwe.



*MASONGOLA NE KWIKANA* KDE65-0221M  
(Marriage And Divorce)

Ino Mbila na Mulongo William Marrion Branham, yalupwilwe patanshi mu Kizungu pa Mulungu lukeelo, 21 Kubomukata, 1965, pa Parkview Junior High School ku Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)